

京岳全書卷之三十二貫集

雜證謨

會稽 張介賓 會卿

會稽 魯 超 謙菴註

脚氣

經義

太陰陽明論曰陽受風氣陰受濕氣○傷於風者上先受之傷於濕者下先受之○清濕襲虛則病起於下風雨襲虛則病起於上

邪氣臟腑病形篇曰身半已上者邪中之也身半已下者濕中之也

陰陽應象大論曰地之濕氣感則害人皮肉筋脉

通評虛實論曰蹠跛寒風濕之病也

臟氣法時論曰脾苦濕急食苦以燥之禁濕地濡衣

調經論曰寒濕之中人也皮膚不收肌肉堅緊營血泣衛氣去故曰虛虛者聶辟氣不足按之則氣足以溫之故快然而不痛

五常政大論曰太陰司天濕氣下臨

六元正紀大論曰太陽司天之政民病寒濕發肌肉萎足萎不收○太陰司天之政民病寒濕腹滿身臙憤肘腫○太陰所致為重肘腫

生氣通天論曰因於氣為腫四維相代陽氣乃竭

經脉篇曰胃病則大腹水腫膝臙腫痛○足陽明實則狂顛虛則足不收脛枯

平人氣象論曰足脛腫曰水

論證共五條

脚氣之說古所無也自晉蘓敬始有此名狀其腫痛麻頑卽經
之所謂痺也其縱緩不收卽經之所謂痿也其甚而上衝卽
經之所謂厥逆也逮夫後世則有類傷寒四證而以脚氣居
其一謂凡頭痛發熱身痛便閉而但見脚膝屈弱無力者便
是脚氣此說太混予不狀之夫脚氣本水濕下壅之病而實
非陽邪外感證也若諸證之兼見者則或有之若以外感之
脚軟者便認作脚氣則淆亂意見大不通也茲予刪諸繁瑣
述其簡要法旣無遺庶便理會

一脚氣之證其初甚微飲食動作無不如故或無他疾而忽得
之或因病後而漸得之及其病也則自膝至足或見麻痺或
見冷痛或見痿弱或見攣急或腫或不腫或日漸枯細或蒸
蒸惡熱或洒洒惡寒或如水冷或如火熱或到底能食或不
能食或有物如指發自踰腸而氣上衝心是皆脚氣之正病

也其有爲發熱頭痛寒熱往來或腹內作痛或見飲食則嘔吐或惡聞食氣或不欲見明或語言錯亂精神昏憤皆是腳氣之兼證也大抵此證有緩急緩者其來漸或二三月而日甚急者其來速或一二日而卽起治之若緩恐其氣上衝心亦能殺人

脚氣之因有二一則自外而感一則自內而致也自外而感者以陰寒水濕雨露之氣或坐臥濕地致令濕邪襲人皮肉筋脉而凡清濕襲虛則病始於下致爲腿足之病此外因也自內而致者以肥甘過度酒醴無節或多食乳酪濕熱等物致令熱壅下焦走注足脛而日漸腫痛或上連手節者此內因也朕在古人謂南方卑濕病多外因北方嗜酒酪病多內因此固一說朕北方亦有寒濕南方豈少酒濕此固不必分南北其或內或外凡受邪氣有病始於足而漸致他證者卽

脚氣之謂也 必察其因而治之則自無失矣

方書以腫爲 濕脚氣不腫者爲乾脚氣濕者宜除濕乾者宜行氣

陳無擇曰脚氣 不專主一氣亦不專在一經兼有雜生諸病未
易分別須尋 經絡之陰陽再察脉息之虛實以爲治也凡自
汗走注者爲 風勝無汗攣急制痛者爲寒勝腫滿重著爲濕
勝煩渴燥熱 爲暑勝若四氣兼中者但察其多者爲勝分其
表裏以施治也

論治 共八條

脚氣之病實三 氣之所爲也然亦有虛實之異又脚氣本爲壅
疾古云忌用 補劑然必下元不足及陽明之氣有虧者而後
邪氣得以犯 之此其中亦有虛證總之凡治此者只因證施
治則萬全也 但察其因於表者以發散爲主因於裏者以疎

利爲主外因者多寒濕宜用溫熱內因者多濕熱宜用清涼
若元氣本虛及病久致虛者必當培補下元不得以忌補之
說爲拘也

脚氣初起無非濕滯如無他證兼見而身體重著者單宜治
濕以分利爲主○凡脚膝中濕或腰腿痠疼重著腫痛者宜
除濕湯不問久近乾濕並可用○若脚膝痠軟重著而胃氣
不清或見噫氣吞酸脹滿者平胃散○若脚氣浮腫而兼泄
瀉者宜五苓散或胃苓湯

寒濕外侵致成脚氣者十居六七其證疼痛拘攣惡寒清厥
脉多弦細治宜以溫經除濕爲主是以古人治此之法大抵
熱藥多寒藥少故每用麻黃川烏桂附乾薑之屬內躍曰濕
淫於內治以苦熱正以烏附麻黃走而不守故能通行經絡
乾薑官桂辛甘大熱故能助陽退陰清濕旣除病無不愈○

凡感寒濕雨水或四氣流注致成脚氣腫痛不可忍者宜雞鳴散如神○若寒濕內侵陽虛陰盛胃氣不強經氣不行頭木浮腫或疼痛不用者獨活湯○若寒邪入腹喘急疼痛或筋急上衝悶亂危急欲絕者茱萸丸或茱萸木瓜湯○若寒濕在經血脈不和腰脚筋骨痠軟無力或拘攣疼痛脈若而瀉者酒浸牛膝丸○若寒濕壅腫氣滯不行或冷或痛者立效散○若寒濕兼風者如五積散小續命湯皆宜用詳其後條

濕熱內蒸致成脚氣者多因酒食不節其證必煩熱多渴脈見滑數二便或多不利治宜利濕清火爲主○若濕熱下壅足脛腫痛不消者防已飲加減治之或蒼朮黃柏丸或二妙散或加味二妙丸俱妙○若濕熱氣壅上衝胸腹煩渴悶亂頭痛口乾者活人犀角散○若濕熱流注經絡肢節煩疼肩

背沉重手足偏身疼痛熱腫者當歸拈痛湯○若感冒暑濕
肢節疼痛身熱口渴小便赤澁氣虛氣促者清暑益氣湯○
若肝腎陰虛血熱脚瘡疼痛行止艱難小水不利者續斷丸
脚氣有壅滯氣逆者其證必喘滿氣急上攻心腹甚至危急
可畏治宜行滯降氣爲主○凡脚氣上衝心腹喘急不得眠
臥者紫蘇散檳榔湯或加減檳榔湯甚者四磨飲○若脚氣
喘急腹滿脚腫者桑白皮散或木通散○若脚氣臍下氣升
衝心煩悶者木香散或檳榔散○若脚氣心胸壅悶嘔逆多
痰不食者半夏散或紫蘇湯○若浮腫心腹痞悶小水不利
大腹皮散

風濕合邪而爲脚氣者其證必兼外感而或爲寒熱往來或
爲喘欬氣急或流走無常或筋骨疼痛治宜以散風除濕通
行經絡爲主○若感四時風疫風濕或處陰濕之地致爲脚

氣痿弱筋骨疼痛或寒熱往來者敗毒散○若寒熱而瘧赤
腫疼痛者加味敗毒散○若脚氣以風寒濕邪客於經絡而
骨髓酸痛不可忍或遍身疼痛惡寒嘔逆者五積散一法加
全蝎二個入酒煎服○若脚氣以風濕留滯而陰寒外閉表
邪不解或欬嗽喘滿寒熱者小青龍湯○若風濕留滯肢節
煩疼心神壅悶者大腹子散○千金云若脚氣脉大而緩宜
服小續命湯二劑立瘥活人云脚氣屬冷者以小續命湯煎
成人生薑自狀汁服之最快○若脚氣風濕勝而兼發熱欬
嗽肢體疼痛者芎芷香蘇散○若脚氣風濕流注憎寒發熱
無汗惡寒者麻黃左經湯

一 脚氣有虛證凡脾胃肝腎之脉皆出於足邪之易入多有乘
虛故肝虛則筋病腎虛則骨病脾虛則肌肉病胃虛則宗筋
病或以勞慾不節或以酒濕太過或以病後失調凡內有虧

損而外有脚氣者無非虛證此當以調補爲主而兼察四氣以治之○若肝腎陰虛感觸四氣而癱瘓頑木半身不隨脚膝無力遍體疼痛者神應養真丹或三因四斤丸或虎骨酒或八味地黃湯○若脾胃大虛陰寒在下陽氣不行而病脚氣者獨活湯附子八味湯○若精血不足陰虛於下氣不歸精而脚氣上逆衝心者地黃湯○若脾胃虛寒兼風濕外邪而成脚氣者風引獨活湯或追毒湯○若脚氣以脾腎虛寒而兼欬嗽氣逆嘔吐者兼補厚朴湯

脚氣有實邪凡壅盛腫痛而或爲閉結或爲脹滿者治宜以疎導通利爲主○若風濕壅盛脚氣腫痛便結腹滿者羌活導滯湯或枳實大黃湯○若四氣流注陽明風熱腰脚腫痛大小便秘喘滿腹痛者大黃左經湯○若脚氣飲食不肖心下痞悶腿脚腫痛者開結導飲丸

敷熨淋洗

凡脚氣腫痛之甚者可用敷藥以散之或用椒艾糞以溫之或用香散之藥煎湯以洗之如百草煎及防風荆芥威靈仙艾葉蒼朮蛇床子當歸烏藥之類皆可用或單用紫蘇或忍冬藤煎湯淋洗之俱妙

禁忌共三條

觀活人等書云凡脚氣服補藥及用湯淋洗者皆醫之所禁也此亦一偏之說耳蓋補有宜禁者以邪壅氣實者也淋洗有宜禁者以水濕湯氣之宜避者也如果下部虛寒或以病後或以剋伐太過而脚氣不愈者豈尚堪禁補乎又若寒邪濕熱壅結不散而爲腫爲痛者最宜以辛香藹散之藥煎湯蒸洗則退邪極速豈禁洗乎惟是濕熱氣逆而上衝心腹者不可驟洗恐助濕氣上升也此必先降其氣俟其毒止在脚再

行薰洗自無不利蓋補以補其弱也洗以逐其滯也夫何禁之有

有當禁於未發之先者如外臺秘要云第一忌嗔嗔則心煩煩則腳氣發又禁大語大語則傷氣氣傷病亦發又不得露足當風入水以冷水洗足兩足脛尤不宜冷雖暑月當着帛袴至冬寒加綿常令兩脛及腿溫煖微汗尤佳依此將息腳氣自消而無邪氣畱連之患夏月腠理開不宜當風取涼涼虛坐臥須得勞動關節令其氣暢此拒邪之法養生之要也每食後宜行三五百步疲倦便止則腳中惡氣隨卽下散雖有浮腫氣亦不上也

孫真人云古人少有此疾自永嘉南渡衣冠之人多有之此皆濕鬱於內所致也故凡四時之中皆不得久坐久立濕冷之地亦不得因酒醉汗出脫衣洗足當風取涼皆成腳氣暑月

久坐久立濕地則濕熱之氣蒸人經絡病發必熱而四時酸疼煩悶胛腫寒熱此又山野農夫多有之以久濕傷於外也

述古

楊大受曰脚氣是壅疾當用宣通之劑使氣不能成壅也如羌活導滯湯之類所宜通用又如蒼白朮防已南星以去濕羌活獨活木瓜檳榔行氣利關節以去壅佐木通牛膝以引經當歸生地黃以和血此必用之藥也又如東垣拈痛湯之類亦甚捷餘因證之虛實寒熱而辨治之此卽通變活法也

附按

薛氏治一男子素有脚氣脇下作痛發熱頭暈嘔吐腿痺不仁服消毒護心等藥不應左關脉緊右關脉弦此亦脚氣也以半夏左經湯治之而愈○一男子脚軟腫痛發熱飲冷大小便秘右關脉數乃足陽明經濕熱流注也以大黃左經湯治

之而愈○一婦人股節腫痛脛足尤甚時或自汗或頭痛此
太陽經濕熱所致用麻黃左經湯二劑而愈○一男子兩腿
腫痛脉滑而數此濕痰所致也先以五苓散加蒼朮黃柏二
劑少愈更以二陳二朮檳榔紫蘓羌活獨活牛膝黃柏而瘥
夫濕痰之證必先以行氣利濕健中為主若中氣和則痰自
消而濕亦無所容矣○一男子右腿赤腫焮痛脉沉數用當
歸拈痛湯四肢反痛乃濕毒壅遏又况下部藥不易達非藥
不對證也遂砭患處去毒血仍用前藥一劑頓減又四劑而
消○一婦人患脚氣或時腿腫筋攣腹作痛諸藥不應漸至
危篤諸書云八味丸治足少陰脚氣入腹疼痛上氣喘促欲
死者遂投一服頓退又服而愈凡腎經虛寒之人多有此患
乃腎乘心才剋火之證少緩則死不旋踵宜急服之○一婦
人患腿痛不能伸屈遇風寒痛益甚諸藥不應甚苦先以活

絡丹一丸頓退又服而瘳次年復痛仍服一丸亦退大半更以獨活寄生湯四劑而愈○一男子素作痛服活絡丹一丸二證並瘳○上舍愈因患腿痛亦用活絡丹一丸不惟瘳也有效而痛亦得愈矣○畱都金二守女患驚風甚危諸醫皆不能救遂自用活絡丹一丸卽愈且不再作夫病邪深伏在內非此藥莫能通達但近代有云此藥引風入骨如油麪之說故後人多不肯服大抵有是病宜用是藥豈可泥於此言致病難瘳

針灸

凡脚氣初覺卽灸患處二三十壯或用雷火鍼以導引濕氣外出及飲醪醴以通經散邪其要法也○若壅旣成而邪盛者必腫痛熱甚一時藥餌難散宜砭去惡血以消熱腫砭刺之後以藥繼之

脚氣論列方

平胃散和十七

五苓散和一八二

當歸拈痛湯寒百三十

立效散和一八七

萊更丸和三百九

萊更木瓜湯和二八六

鷄鳴散和二八五

二妙散寒一三四

加味二妙丸寒一三五

除濕湯和一七七

胃苓湯和百九十

蒼朮黃柏丸寒一三六

五積散散三九

敗毒散散三六

加味敗毒散外四一

紫蘊湯和二百九十

清暑益氣湯和一六八

紫蘊散和二八九

半夏散和二九九

橘皮湯和二九八

人參散和二九七

芎芷香蘊散散八八

檳榔散和二九三

檳榔湯和二九

防已飲 和二八八

酒浸牛膝丸 和三百八

活絡丹 和二七七

八味丸 補一二二

四磨飲 和五二

風引獨活湯 散百二

小青龍湯 散八

木通散 和二九六

三因四斤丸 補一六三

神應養真丹 和三一三

大腹皮散 和三百

椒艾囊 和三一七

兼補厚朴湯 散百一

加減桂枝湯 和二九

續斷丸 和三百六

地黃湯 和三百二

活人犀角散 寒二三一

獨活寄生湯 和二百七十

獨活湯 散八三

虎骨酒 和三一五

木香散 和二九五

小續命湯 散五二

追毒湯 散百四

附子八味湯 熱三七

大腹子散 和三百一

百草煎 新因三七

桑白皮散和二九四

開結導飲丸和二七八

半夏左經湯散九七

大黃左經湯散九八

論外備用方

鹿茸丸補一三三 生瘡

加味四斤丸補一六二 陰氣不足

愈風丹和二七四 養血去風

薏仁酒和三一六 補陰去濕

虎骨四斤丸補一六一 滋陰

降椒酒和二三八 風濕 易老

續斷丸和三百六 涼血云風 沉香湯和三百四 脚氣攻心

神應養真丸和三一三 滋陰行

麻黃左經湯散九六

羌活導滯湯攻三四

枳實大黃湯一二三

稀蒼丸和二五六

活絡飲和二六九 風濕

加減四斤丸補一六三 腎虛

換腿丸和二八十八 風濕

勝駿丸和三一二 養氣去邪

天麻丸和二七五 血虛受邪

經木瓜湯和三百三 行氣

經木瓜湯和三百三 行氣

栝蒌散外一八八風濕流注

史國公浸酒方和二八

透骨散和三一四行經

敷脚氣方和三一八

羌活勝濕湯和一七八風濕

調元健步丸和三三陰虛濕熱

濟生栝蒌湯和二九一踈壅

第一麻黃湯散九九惡風

第二獨活湯散百散風

六物附子湯外三五四氣流注

痿證

經義

痿論帝曰五臟使人痿何也岐伯曰肺主身之皮毛心主身之

血脉肝主身之筋脾主身之肌肉腎主身之骨髓故肺熱

葉焦則皮毛虛弱急薄著則生痿躄也心氣熱則下脉厥而

上上則下脉虛虛則生脉痿樞折擊脛縱而不任地也肝氣

熱則膽泄口苦筋膜乾筋膜乾則筋急而攣發為筋痿脾氣

熱則胃乾而渴肌肉不仁發爲肉痿腎氣熱則腰脊不舉骨
枯而髓減發爲骨痿○帝曰何以得之曰肺者臟之長也爲
心之蓋也有所失亡所求不得則發肺鳴鳴則肺熱葉焦故
曰五臟因肺熱葉焦發爲痿痺此之謂也悲哀太甚則胞絡
絕胞絡絕則陽氣內動發則心下崩數洩血也故本病曰大
經空虛發爲肌痺傳爲脉痿思想無窮所願不得意淫於外
入房太甚宗筋弛縱發爲筋痿及爲白淫故下經曰筋痿者
生於肝使內也有漸於濕以水爲事若有所畱居處相濕肌
肉濡漬痺而不仁發爲肉痿故下經曰肉痿者得之濕地也
有所遠行勞倦逢大熱而渴渴則陽氣內伐內伐則熱舍於
腎腎者水臟也今水不勝火則骨枯而髓虛故足不任身發
爲骨痿故下經曰骨痿者生於大熱也○帝曰何以別之曰
肺熱者色白而毛敗心熱者色赤而絡脉溢肝熱者色蒼而

爪枯脾熱者色黃而肉蠕動腎熱者色黑而齒槁○帝曰論
言治痿者獨取陽明何也曰陽明者五臟六腑之海主潤宗
筋宗筋主束骨而利機關也衝脈者經脈之海也主滲灌谿
谷與陽明合於宗筋陰陽總宗筋之會會於氣街而陽明爲
之長皆屬於帶脈而絡於督脈故陽明虛則宗筋縱帶脈不
引故足痿不用也○帝曰治之奈何曰各補其榮而通其俞
調其虛實和其逆順筋脈骨肉各以其時受月則病已矣帝
曰善

生氣通天論曰因於濕首如裹濕熱不攘大筋緘短小筋弛長
緘短爲拘弛長爲痿

本神篇曰精傷則骨痠痿厥精時自下

根結篇曰陽明爲闔闔折則氣無所止息而痿疾起矣故痿疾
者取之陽明視有餘不足無所止息者真氣稽留邪氣居之

也

邪氣臟腑病形篇曰肺脉微緩爲痿痺偏風○脾脉緩甚爲痿
厥微緩爲風痿四肢不用心慧然若無病○腎脉微滑爲骨
痿坐不能起起則目無所見

論證共三條

痿證之義內經言之詳矣觀所列五臟之證皆言爲熱而五臟
之證又總於肺熱葉焦以致金燥水虧乃成痿證如丹溪之
論治誠得之矣然細察經文又曰悲哀太甚則胞絡絕傳爲
脉痿思想無窮所願不得發爲筋痿有漸於濕以水爲事發
爲肉痿之類則又非盡爲火證此其有餘不盡之意猶有可
知故因此而生火者有之因此而敗傷元氣者亦有之元氣
敗傷則精虛不能灌溉血虛不能營養者亦不少矣若槩從
火論則恐真陽虧敗及土衰水涸者有不能堪故當酌寒熱

之淺深審虛實之緩急以施治療庶得治療之全矣
一經曰濕熱不攘則大筋緘短小筋弛長緘短爲拘弛爲痿痿
此內經言筋病之槩乃舉隅之談以啟人之自反耳非謂大
筋必無弛長小筋必無緘短也卽如痿弱必由於弛長豈大
筋果無涉乎此經言之意從可知矣故於痿證之外凡遇瘈
瘲等病當知拘攣者必由緘短癱弱者必由弛
之意而於寒熱燥濕之辨亦可得其據矣

論治 共二條

一凡痿由濕熱脉洪滑而證多煩熱者必當先去其火宜二妙
散隨證加減用之○若陰虛兼熱者宜正傳加味四物湯虎
脛骨丸或丹溪補陰丸滋陰八味丸之類主之○若絕無火
證而止因水虧於腎血虧於肝者則不宜兼用涼藥以伐生
氣惟鹿角膠丸爲最善或加味四斤丸八味地黃丸金剛丸

身要全書 卷之三十一
之類俱可擇用○若陰虛無濕或多汗者俱不宜輕用蒼朮
蓋痿證最忌散表亦恐傷陰也

一東垣取黃柏爲君黃芪等補藥輔佐以治諸痿無一定之方
有兼痰積者有濕多熱多者有濕熱相半者有挾氣者臨病
製方其亦治痿之良法也

述古 共四條

丹溪曰內經謂諸痿起於肺熱又謂治痿獨取陽明蓋肺金體
燥居上而主氣畏火者也脾土性濕居中而主四肢畏木者
也火能炎上若嗜慾無節則水失所養火寡於畏而侮所勝
肺得火邪而熱矣木性剛急肺受熱則不能管攝一身脾傷
則四肢不能爲用而諸痿作矣瀉南方則肺金清而東方不
實何脾傷之有補北方則心火降而西方不虛何肺熱之有
故陽明實則宗筋潤能束骨而利機關矣治痿之法無出於

此雖然天產作陽厚味發熱比病痿者若不淡薄食味必不能保其全安也

纂要云濕熱東垣健步丸加燥濕降火之劑黃栢黃芩蒼朮○濕痰二陳湯加蒼朮白朮黃芩黃栢之類入竹瀝薑汁○血虛四物加蒼朮黃栢下補陰丸○氣虛四君子加蒼朮黃芩黃栢○黃栢蒼朮治痿要藥也○已上方治雖所主有不同而降火清金所謂治法之大要無不同也

薛立齋曰痿證多因足三陰虛損若脾腎不足而無力者用還少丹肝腎虛熱而足無力者六味丸如不應急用八味丸

陳無擇曰人身有皮毛血脉筋膜肌肉骨髓以成其形內則有肝心脾肺腎以主之若隨情妄用喜怒勞佚以致內臟精血虛耗使血脉筋骨肌肉痿弱無力以運動故致痿躄狀與柔風脚氣相類柔風脚氣皆外因風寒正氣與邪氣相搏故作

腫苦痛為邪實痿由內臟不足之所致但不任用亦無痛楚
此血氣之虛也

痿證論列方

二妙散寒一三四

四物湯補八

東垣健步丸和三百十

二陳湯和一

金剛丸補一六四

加味四物湯補十

還少丹補一二七

四君子湯補一

加味四斤丸補一六二

鹿角膠丸補一三二

虎脛骨丸寒一三七

八味地黃丸補一二二

丹溪補陰丸寒百六十

滋陰八味丸新寒十七

六味地黃丸補一二一

論外備用方

煨腎丸補一四八

骨痿

敗毒散散二六

風濕

地黃飲子補百

鹿茸丸補一三三一陰虛弱

消燥湯寒一三三二濕熱

加減四斤丸補一六三

勝駿丸和三一二養陰祛升

虎骨酒和三一五強筋骨

滋陰大補丸補一二七陰虛

續斷丸和三百六涼血強筋

牛膝丸和三百七肝腎虛

虎骨四斤丸補一六一強陰

小續命湯散五二風濕

追毒湯散百四風濕

酒浸牛膝丸和三百八壯筋骨

小安腎丸熱一六八痿弱

大防風湯補九九風濕

加味二妙丸寒一三五濕熱

石剉安腎丸熱一六九痿弱加味四君湯補二

調元健步丸和三一一

陽痿

經義

陰陽別論曰二陽之病發心脾有不得隱曲女子不月

厥論曰厥陰之厥則少腹腫痛腹脹溼洩不利好卧屈膝陰縮

腫

痿論曰思想無窮所願不得意淫於外入房太甚宗筋弛縱發

為筋痿及為白淫○陽明虛則宗筋縱

邪氣臟腑病形篇曰腎脉大甚為陰痿微瀆為不月沉痔

經筋篇曰足太陰之筋病陰器紐痛下引臍○足厥陰之筋病

陰器不用傷於內則不起傷於寒則陰縮入傷於熱則縱挺

不收

經脉篇曰足厥陰結於莖氣逆則睪腫卒疝實則挺長虛則暴

癢

至真要大論曰太陽之勝隱曲不利互引陰股

本神篇曰肝悲哀動中則傷魂魂傷則狂忘不精當人陰縮而

攣筋兩脇骨不舉○恐懼而不解則傷精精傷則骨痠痿厥
精時自下

生氣通天論曰濕熱不攘大筋縵短小筋弛長
爲痿

疏五過論帝曰凡未診病者必問嘗貴後賤雖不中邪病從內
生名曰脫營嘗富後貧名曰失精身體日減氣虛無精病深
無氣洒洒狀時驚病深者以其外耗於衛內奪於營良工所
失不知病情此治之一過也○凡欲診病者必問飲食居處
暴樂暴苦始樂後苦皆傷精氣精氣竭絕形體毀沮暴怒傷
陰暴喜傷陽厥氣上行滿脉去形愚醫治之不知補瀉不知
病請精華日脫邪氣廼并此治之二過也

陰陽應象大論曰北方生寒在志爲恐恐傷腎思勝恐
宣明五氣篇曰精氣并於腎則恐

調經論曰血有餘則怒不足則恐

論證共三條

凡男子陽痿不起多由命門火衰精氣虛冷或以七情勞倦損傷生陽之氣多致此證亦有濕熱熾盛以致宗筋弛縱而為痿弱者譬以暑熱之極則諸物綿痿經云壯火食氣亦此謂也然有火無火脉證可別但火衰者十居七八而火盛者僅有之耳

一 凡思慮焦勞憂鬱太過者多致陽痿蓋陰陽總宗筋之會會於氣街而陽明為之長此宗筋為精血之孔道而精血實宗筋之化源若以憂思太過抑損心脾則病及陽明衝脉而水穀氣血之海必有所虧氣血虧而陽道斯不振矣經曰二陽之病發心脾有不得隱曲及女子不月者即此之謂

一 凡驚恐不釋者亦致陽痿經曰恐傷腎即此謂也故凡遇大

驚卒恐能令人遺失小便卽傷腎之驗又或於陽旺之時忽有驚恐則陽道立痿亦其驗也○余嘗治一強壯少年遭酷吏之恐病似脹非脹似熱非熱絕食而困衆請痰火宜清守焦余診之曰此恐懼內傷少陽氣索而病及心腎大虧證也遂峻加溫補兼治心脾一月而起愈後形氣雖健如初而陽寂不舉余告之曰根蒂若斯腎傷已甚非少壯所宜之兆速宜培養心腎庶免他虞彼反以恐嚇爲疑全不知信未及半載竟腹病而歿可見恐懼之害其不小者如此新按

論治共三條

一命門火衰精氣虛寒而陽痿者宜右歸丸贊育丹石刻安腎丸之類主之○若火不甚衰而止因血氣薄弱者宜左歸丸斑龍丸全鹿丸之類主之

一凡因思慮驚恐以致脾腎虧損而陽道痿者必須培養心脾

使胃氣漸充則衝任始振而元可復也宜七
類主之狀必大釋懷抱以舒神氣庶能奏效
無益也○其有憂思恐懼太過者每多損抑
終無生意宜七福飲加桂附枸杞之類主之
一凡肝腎濕熱以致宗筋弛縱者亦爲陽痿治
狀必有火證火脈內外相符者方是其證宜
丹溪大補陰丸虎潛丸之類主之○火之甚
者如滋腎丸大
補丸之類俱可用

述古

薛立齋曰按陰莖屬宗之經絡蓋肝者木也如
木得甚露則森
立遇酷暑則痿悴若因肝經濕熱而患者用
龍膽瀉肝湯以
清肝火導濕熱若因肝經燥熱而患者用六
味丸以滋腎水
養肝血而自安○又曰護玉膏固本丸坎離
丸此輩俱是沉

寒瀉火之劑非腸胃有燥熱者不宜服若足三陰經陰虛發熱者久而服之令人無子蓋損其陽氣則陰血無所生故也
屢驗

簡易方

一方 治陽事不起用蛇床子五味子兔絲子等分為末密丸梧子大每服三五十九丸溫酒下日三服

陽痿論列方

左歸丸新補四

右歸丸新補五

全鹿丸補一二九

贊育丹新因又十四

七福飲新補七

歸脾湯補三三

石刻安腎丸熱一六九

虎潛丸寒一六四

瓊玉膏補六一

滋陰八味丸新寒十七

固本丸補百七

六味丸補一二二

龍膽瀉肝湯寒六三

坎離丸寒一六五

滋腎丸寒一六三

丹溪大補陰丸寒一五七

班龍丸補百三十

大補丸寒一五五

本堂製

子太醫眼三至十枚溫

常調身不致取地

如

考要三六之... 朱...

雜證謨

會稽 張介賓 會卿著

會稽 魯超 謙菴訂

疝氣

經義

骨空論曰任脉為病男子內結疝女子帶下瘕聚○督脉生

疝從少腹上衝心而痛不得前後為衝疝

長刺節論曰病在少腹腹痛不得大小便病名曰疝得之寒刺

少腹兩股間刺腰髀骨間刺而多之盡炆病已

經脉篇曰足厥陰肝病丈夫癘疝婦人少腹腫○肝所生病為

癘泄狐疝○足厥陰之別循脛上臑結於莖其氣逆則臑腫

卒疝實則挺長虛則暴癢取之所別也

繆刺論曰邪客於足厥陰之絡令人卒疝暴痛刺足大指爪甲上與肉交者各一痛左取右右取左

脉解篇曰厥陰所謂癰疝婦人少腹腫也○陰亦盛而脉脹不通故曰痛癥疝也

陰陽別論曰三陽為病發寒熱其傳為癰疝

經筋篇曰足陽明之筋病癢疝腹筋急○足太陰之筋病陰器

紐痛下引臍兩脇痛○足厥陰之筋病陰器不用傷於內則

不起傷於寒則陰縮入傷於熱則縱挺不收

邪氣臟腑病形篇曰小腸病者小腹痛腰脊控辜而痛時窻之

後

四時氣篇曰小腹控辜引腰脊上衝心邪在小腸者連辜系屬

于脊貫肝肺絡心系氣盛則厥逆上衝腸胃燠肝散于膏結

于臍

王機真藏論曰是故風者百病之長也弗治脾傳之腎病名曰
疝瘦少腹寬熱而痛出白一名曰蠱

本藏篇曰腎下則腰尻痛不可以俛仰爲狐疝

平人氣象論曰寸口脈沉而弱曰寒熱及疝瘦少腹痛○脈急
曰疝瘦少腹痛

脈要精微論曰診得心脈而急病名心疝少腹當有形也

邪氣臟腑病形篇曰心脈微滑爲心疝引臍小腹鳴○肝脈滑
甚爲癰疝○脾脈微大爲疝氣滑甚爲癰瘰瀦甚爲腸癰微
瀦爲內癰多下膿血○腎脈滑甚爲癰瘰

大奇論曰腎脈大急沉肝脈大急沉皆爲疝○心脈搏滑急爲
心疝○肺脈沉搏爲肺疝○三陽急爲瘰三陰急爲疝

五臟生成論曰青脈之至也長而左右彈有積氣在心下支脈
名曰肝痺得之寒與疝同法○黃脈之至也大而虛有積氣

在腹中有厥氣名曰厥疝女子同法

四時刺逆從論曰厥陰滑則病狐疝風○少陰滑則病肺風疝

○太陰滑則病脾風疝○陽明滑則病心風疝○太陽滑則

病腎風疝○少陽滑則病肝風疝

真要大論曰陽明司天丈夫癩疝婦人少腹腫○陽明之勝

外發癩疝○太陽在泉民病少腹控臑引腰脊上衝心痛○

太陽之復少腹控臑引腰脊上衝心○太陰在泉主勝甚則

為疝

論證共三條

疝氣病者比小復辜丸為腫為痛止作無時者皆是也但疝證

不一如內經所謂狐疝者以其出入不常也有言癩疝者以

其頑腫不仁也有衝疝者以其自少腹上腫而痛也有厥疝

者以結氣在陰而氣逆為疝也有疝瘕者以少腹窅熱而痛

中白一名曰蠱也有六經風疝者如四時刺逆從論所言者
是也有小腸疝者如邪氣臟腑病形篇所言者是也凡此七
者總皆疝之爲義狀疝之爲病不獨男子有之而婦人亦有
之經曰有積氣在腹中有厥氣名曰厥疝女子同法又曰厥
陰所謂癰疝婦人少腹腫也至若衝疝瘕之屬亦皆男婦之
所同病者狀惟澤丸之病獨在男子而他則均當詳察也觀
張子和曰夫遺溺閉癰陰痿腓痺精滑白淫皆男子之病也
若血涸不月月罷腰膝上熱足蹙嗑乾癰閉少腹有塊或定
或移前陰突出後陰痔核皆女子之病也但女子不謂七疝
而謂之瘕若年少而得之不計男子婦人皆無子此說誠非
謬也然今人但言男子之疝而全不知婦人之疝殊失之矣
疝氣所屬本非一經如內經所云在脉爲病男子內結七疝
女子帶下瘕聚督脉生病從少腹上衝心而痛不得前後爲

衝疝又曰脾傳之腎病各曰疝瘕又曰三陽爲病發寒熱其
傳爲癩疝又曰邪在小腸者連舉係屬於脊又曰邪客於足
厥陰之絡令人卒疝暴痛又如心肝脾肺腎五疝之脉各有
所辨此素問言諸經之疝也又經筋等篇言足陽明之筋病
瘕疝腹筋急足太陰之筋病陰器紐痛下引臍兩脇痛足厥
陰之筋病陰器不用等義此靈樞言諸經之疝也白張子和
云疝有七前人論者甚多其非靈樞素問銅人之言予皆不
取乃引靈樞之論曰足厥陰之筋聚於陰器故陽明與太陰
之筋皆會於陰器惟厥陰主筋故爲疝者必本之厥陰此子
和之意以疝爲筋病而筋主於肝故謂疝必厥陰似亦有理
而實則不取觀內經諸論之如前者謂非靈素之言而子和
皆可不取乎且筋雖主於厥陰然散見諸經卽爲諸經之筋
矣若病在諸經固可因筋而廢經乎矧如厥論曰前陰者宗

筋之所聚太陰陽明之合也又痿論曰陰陽總宗筋之會會於氣街而陽明爲之長此亦可以不取乎狀則小腹前陰之經則厥陰少陰太陰陽明少陽太陽以至衝任督脉皆有所涉今考銅人經治疝之法則諸經皆有俞穴若謂止屬厥陰則諸皆可廢矣卽子和亦歷指諸經之穴謂諸穴雖亦治疝然終非受疝之地此何說也自後丹溪遂因子和之言謂經有七疝寒水筋血氣狐癩也專主肝經與腎經絕無相干再至戴原禮又因丹溪之說云疝本屬厥陰之一經余嘗見俗說小腸膀胱下部氣者皆妄言也嗚呼此等義論皆後學逞億之見果堪信乎果堪法乎醫失真傳類多如此故非靈素銅人之言余誠不敢取也今錄銅人治疝穴法條列後章以便後人用證

一疝氣之病有寒證亦有熱證然必因先受寒濕或犯生冷以

致邪聚陰分此其肇端之始則未有不因寒濕而致然者及其病鬱既久則鬱而成熱者有之或以陽臟之人火因邪聚而濕熱相資者亦有之故在內經言疝則寒熱皆有所諭如曰病在少腹腹痛不得大小便病名曰疝得之寒曰陰亦盛而脈脹不通故曰癰癰疝也曰肝脾得之寒濕與疝同法曰太陽太陰陽明之勝復皆有疝氣是皆言疝之寒也又如曰脾風傳腎名曰疝瘕少腹冤熱而痛出白一名曰蠱曰足厥陰之筋病陰器不用傷於寒則陰縮入傷於熱則縱挺不收是皆言疝之熱也此內經之言寒言熱未嘗偏廢者如此觀丹溪曰自素問而下皆以爲寒蓋寒主收引經絡得寒則引而不行所以作疝者然亦有湯水涉水終身不病此者無熱在內故也大抵此證始於濕熱在經鬱而至久又得寒氣外來不得疏散所以作痛若只作寒論恐未爲備此丹溪之論

如此故其治多從火而倍用山梔黃柏之屬余則不能無言也觀內經之言疝者如前原非只作寒論第言寒者較多於熱亦自疝家之正理不可易也矧疝以寒邪入經所以爲痛及其久也方爲鬱熱使其始不受寒何由致疝此寒爲本而熱爲標也若謂始於濕熱在經又得邪氣外來所以作痛則反以熱爲本而寒爲標矣豈其然乎至若踢水涉水終身不痛者此雖有貴賤之分久暫之異狀必以陽氣內實而寒不能犯者有之若謂無熱在內故寒自不入又豈其狀乎此致病之因有不得不辨也是以內經之論凡至疝當者胡可弗遵後世之談其多鑿多偏者安庸盡信再若治此之法固不可必其爲寒又不可必其爲熱但始初受之邪必當以溫經散寒行氣除濕爲主切不可早用寒涼致留邪氣則遺害非淺及其久也則有始終以寒者有因寒鬱熱者有元陽受

傷而虛陷日甚者但當察其形氣病氣因病制方若果有熱證熱脈顯然外見者方可治以寒涼如無熱證可據而執云太抵疝由濕熱則無者生之有者甚之矣此習俗之通弊有不可不鑒也

論治 共十一條

凡治疝之法當察所由此雖以受寒受濕因而成疝然或以色慾或以勞損或以鬱怒或以飲食酒濕之後不知戒慎致受寒邪則以陰求陰流結於衝任血氣之海而下歸陰分遂成諸疝故其為病則有遇寒而發者有鬱久成熱遇熱而發者有鬱則氣逆遇鬱怒而發者有濕因寒滯遇濕而發者有痰極則傷筋遇勞苦而發者有虛邪在少陰厥陰遇色而發者有飲食之濕在陽明太陰遇酒酪而發者至其氣陷而不舉邪氣留而不去而為癩為木難於

也則正

矣故治此

者必當因其所因辨而治之則無不隨手可愈若茫然混然徒執一偏之見而至老不寤者卽與之談終無益也

一治疝必先治氣故病名亦曰疝氣非無謂也蓋寒有寒氣熱有熱氣濕有濕氣逆有逆氣氣在陽分則有氣中之氣氣在陰分則有血中之氣凡氣實者必須破氣氣虛者必須補氣故治疝者必於諸證之中俱當兼用氣藥

一疝之暴痛或痛甚者必以氣逆宜先用荔香散○氣實多滯者宜寶鑑川棟散或天台烏藥散○非有實邪而寒勝者宜煖肝煎主之

一寒疝最能作痛多因觸胃寒邪或犯生冷所致凡喜煖畏寒脉弦細鼻尖手足多冷大小便無熱之類皆是也○寒微者宜荔香散煖肝煎腎氣丸神應散丁香棟實丸之類主之○寒甚者宜醫林四神丸百一選方十補丸胡蘆巴丸沉香桂

附凡之類主之○一法以五積散加鹽炒吳茱萸小茴香各一錢薑五片葱白五寸同煎空心熱服大治氣痛不可忍

一熱疝大能作痛凡火邪聚於陰分而爲痛者必有熱證熱脈或大便秘結或小水執閉不通或爲脹爲滿而煩熱喜冷者是也宜大分清飲或茵陳飲加茴香川棟子之類或以加味通心飲葵子湯之類主之○又有腎本不虛而肝經濕熱火旺莖中作痛筋急縮或痛或庠或腫或挺縱不收白物如精隨溺而下者此筋疝也宜龍胆瀉肝湯主之

一濕疝多爲重墜脹滿狀亦有痛者宜以前寒熱證參而治之○有不痛而久墜不愈者是卽癰疝之屬單宜治濕理氣以加味五苓散或局方守效丸或蒼朮散或三層茴香丸之屬主之○一云凡治癰疝非斷房事厚味不能取效

一疝病遇酒而發者多因濕熱當先去其濕濕而熱者大分清

飲加茴香川棟之屬○濕兼寒者宜加味五苓散主之或以
葛花解酲湯加減用之

一血結少腹間者是爲血疝但察其非氣非食小腹鞭而有形
大便秘結而黑小水利者必血積血疝之屬宜桃仁膏或桃
仁煎或玉燭散之類下之

一疝遇色慾而發者是必陰虛之屬若陰虛兼動相火者宜以
六味地黃湯加黃柏知母山梔茴香川棟之類主之○若陰
虛無火或兼寒痛精虛者宜理陰煎或八味地黃湯加茴香
枸杞之類或用煖肝煎主之

一疝久者必多虛證或以元氣本虛而偶患者亦有虛證或不
耐勞苦而微勞卽發者亦有虛證當以脉證辨之凡治虛疝
當察其虛在陰分或在陽分陰虛者輕則煖肝煎八味地黃
湯甚則理陰煎補陰益氣煎之類酌而用之○陽虛者宜溫

胃飲歸脾湯補中益氣湯之類主之○若陽虛至甚者必用桂附椒薑或以六味回陽飲之類主之○若虛中挾滯者宜以前法爲主而加以疎導之藥如川棟茴香枳實山查梔子之屬酌其宜而佐用之

一疝有邪實當下者詳後條張子和論中

述古共八條

巢氏病源曰諸疝者陰氣積於內復爲寒氣所加使營衛不調氣血虛弱故風冷入其腹內而成疝也疝者痛也或小腹痛不得大小便或手足厥冷繞臍痛自汗或冷氣逆上搶心腹令心痛或裏急而腹痛此諸候非一故云諸疝也

許學士云大抵此疾雖因虛得之不可以虛而驟補經云邪之所湊其氣必虛而不去其病則實故必先滌所蓄之熱然後補之是以諸方多借巴豆氣者蓋謂此也

劉宗厚云謹按疝證雖始為因虛而得必邪實迫痛而未下者故當先瀉而後補也至有虛甚迫痛上為嘔逆或下有遺精者此邪實正虛之甚矣此欲不補可乎但恐補之則無益瀉之則正氣轉陷幸而獲生者鮮矣

陳無擇曰經云七疝諸疝等義更不見名狀但有寒疝癰疝狐疝而已唯大奇論列五臟脉為五疝者如前大抵血因寒泣則為瘕氣因寒聚則為疝但五臟脉理不同不可不辨且腎脉本沉心脉本滑受寒則急於理乃是肝脉本弦肺脉本瀉並謂之沉未為了義又脾不出本脉但云急為疝亦文義之缺也凡云急者緊也緊為寒亦可類推且賊風入腹亦為疝胃暑履濕皆能為疝當隨四氣改易急字風則浮弦暑則洪數濕則緩細於理始明要知疝雖兼臟氣皆外所因也寒泣風散暑鬱濕著絞刺擊搏無有定處倉卒之際痛不堪忍世

八稱爲橫弦豎弦膀胱小腸氣賊風入腹等名義不同證狀則一

張子和曰內經曰木鬱則達之達謂吐也令條達其氣也肝之積本當吐者然觀其病之上下以順爲貴仲景所謂上宜吐下宜瀉者此也敢列七疝圖於左以示後之君子庶幾有所憑藉者焉

○寒疝其狀囊冷結硬如石陰莖不舉或控辜丸而痛得於坐臥濕地或寒月涉水或冒雨雪或坐臥磚石或風冷處使內過勞宜以溫劑下之久而無子

○水疝其狀腎囊腫痛陰汗時出或囊腫而狀如水晶或囊痒而搔出黃水或少腹中按之作水聲得於飲水醉酒復內過勞汗出而遇風寒濕之氣聚於囊中故水多令人爲卒疝宜以逐水之劑下之有漏鍼去水者人多不得其法

○筋疝其狀陰莖腫脹或潰或膿或痛而裏急筋縮或莖中痛痛極則痒或挺縱不收或白物如精隨溲而下久而得於房室勞傷及邪術所使宜以降心之劑下之

○血疝其狀如黃瓜在少腹兩旁橫骨兩端約中俗云便癰得於重感春夏大燠勞動使內氣血流溢滲入腠囊雷而不去結成癰腫腫少血多宜以和血之劑下之

○氣疝其狀上連腎區下及陰囊或因號哭忿怒則氣鬱之而脹怒哭號罷則氣散者是也有一治法以鍼出氣而愈者然鍼有得失宜以散氣之藥下之○或小兒亦有此疾俗曰偏氣得於父已年老或年少多病陰痿精怯強力入房因而有子胎中病也此疝不治惟築賓一穴灸之

○狐疝其狀如瓦臥則入小腹行立則出小腹入囊中狐晝則出穴而溺夜則入穴而不溺此疝出入上下往來正與狐

相類也亦與氣疝大同小異今人帶鉤鈐是也宜以逐氣流經之藥下

○癰疝其狀陰囊腫綻如升如斗不痒不痛者是也得之地氣卑濕所生故江淮之間湫塘之處多感此疾宜以去濕之藥下之○女子陰戶突出雖亦此類乃熱則不禁固也不可便謂虛寒而澁之燥之補之本名曰瘕宜以苦下之以苦堅之○王太僕曰陽氣下墜陰氣上爭上爭則寒多下墜則筋緩故舉垂縱緩因作癰疝也○已上七疝下去其病之後可調則調可補則補各量病勢勿拘俗法經所謂陰盛而腹脹不通者癰癢疝也不可不下

劉宗厚曰按子和所論病本經絡之原至爲詳盡但七疝名固不同治法當異然俱用攻下之法愚切疑焉雖錢仲陽亦曰肝爲相火有瀉無補丹溪有曰肝只是有餘腎只是不足夫

厥陰一經受疝宜通勿塞固宜亦當視其淺深而行之
况有邪氣客於膀胱小腸之經者若干於少陰腎經則宜通
勿塞之法可例用乎

愚謂子和七疝之治雖各有不同然無非用下則不能無偏故
劉宗厚徐用誠皆疑而議之亦謂其太過耳非謂盡不可用
也再觀丹溪之法則曰治疝大不宜下是又相左之甚矣余
因考子和治按如治蔡叅軍因坐濕地疝痛不堪用導水丸
下之而愈又治一人因瘧渴過飲漿水病疝醫進薑附為燥
熱所壅以致陰囊重墜大如升斗乃先以導水丸後用猪膚
散大下之而愈又治一夫病卒疝赤腫大痛數日不止諸藥
如石投水遂以導水丸次以通經散大下之而愈若此類者
豈皆不可下乎故但宜酌其虛實緩急如或為邪熱所閉或
以少年暴疾或以腫硬赤痛之極者則如導水丸三花神祐

左禹功散之類皆所當用蓋邪盛而急勢不可當有非行氣利水等劑所能及者則不得不攻此子和之法亦自有必不可廢者是不可不察也

辨疑錄云治疝者每用五苓散內加行氣之藥獲效者多按藥性猪苓澤瀉分理陰陽以和心與小腸之氣白朮調脾并利臍腰間濕及死血茯苓淡利膀胱水桂能伐肝邪茴香善治小腸之氣金鈴子橘核去膀胱之氣棋榔下氣少加木通以導引小腸之邪屢用屢驗

諸經治疝灸法

足陽明經

氣衝

歸來

水道

陰市

大巨

陷谷

足太陰經

衝門

府舍

陰陵泉

三陰交

足少陰經

盲俞

四滿

陰谷

築賓治小兒胎病交信

太谿

照海

然谷

足厥陰經

忌脉

曲泉

中都

蠡溝

中封

太衝

行間

大敦

足太陽經

肝俞

次髎

合陽

承山

金門

足少陽經

五樞

肩井

丘墟

督脉

命門

長強

任脉

曲骨 中極 關元 石門 氣海 陰交

一法 於關元兩旁相去各三寸青脉上灸七壯即愈左灸左
右灸右用驗

一法 令病者合口以草橫量兩口角為一摺照此再加二摺
共為三摺屈成三角如△樣將上角安臍中心兩角安臍下
兩旁當下兩角處是穴左患灸右右患灸左左右俱患即兩
灸之艾炷如麥粒灸十四壯或二十一壯即安

關門穴 在陰莖根兩旁各開三寸是穴鍼一寸半灸七壯
治木腎偏墜○按此即奇俞中泉陰穴千金翼云在橫骨旁
三寸治癩邪偏大灸百壯三報之

一外陵穴 在臍左右各開一寸半灸痛立效永不復屢用

屢驗

風市穴 在膝上七寸外側兩筋間又取法令正身平立直

垂兩手着腿當中指盡處陷中是穴鍼五分灸七壯千金云
灸百壯重者五六百壯治疝氣外腎腫小腸氣痛腹內虛鳴
此風痺疼痛之要穴

熨治法

嚴氏云用食鹽半斤多極熱以故帛包熨痛處

一法用泥葱白一握置臍中上用熨斗熨之或上置艾灼之妙
或以葱白爲一束去鬚葉切爲寸厚葱併烘熱置臍上仍以
熨斗熨之尤便而妙

疝氣論列方

荔香散 新四二八

川棟散 和三二六

加味通心飲 寒三三三

煖肝煎 新熱十五

理陰煎 新熱三

龍胆瀉肝湯 寒六三

六味丸 寒一二二

八味丸 補一二二

葛花解醒湯 和一七四

溫胃飲 新熱五

腎氣丸 熱一七八

歸脾湯 綿三三

加味五苓散 和一八四

玉燭散 攻二四

五積散 散三九

丁香棟實丸 熱百八十

蒼朮散 和三二八

葵子湯 寒一二四

天台烏藥散 和三二九

桃仁煎 攻三九

桃仁膏 和二百三十

茵陳飲 新寒八

百選十補丸 和一七五

神應散 熱一七六

守效丸 和三三一

醫林四神丸 熱一五四

神祐丸 攻四八

禹功散 攻四一

一層尚香丸 熱一八二

導水丸 攻七一

胡蘆巴丸 熱一七九

六味回陽飲 新熱一

大分清飲 新寒五

沉香桂附丸 熱百十二

補中益氣湯補二

補陰益氣煎新補十六

論外備用方

荔枝散和三一七

八疝

祛痛散和七一氣逆

木香導氣丸因二

七六

降椒酒和二三八

風濕

苦楝丸熱一八

奔豚

加減柴芩湯

和一九三

蟠葱散熱白十一

寒滯

羊肉湯熱一七七寒疝

疝氣神方因二七

二二七四

去鈴丸因二七七

奪命丹熱一八三

陰寒

當歸羊肉湯熱一七七

寒疝

川棟丸因二七五

寒滯

固元丹周二虛寒

濕疝陰丸作痛因

二七九

脫肛

論證

大腸與肺爲表裏。肺熱則大腸燥結。肺虛則大腸滑脫。此其要也。故有因久瀉久痢。脾腎氣陷而脫者。有因中氣虛寒。不能收攝而脫者。有因勞役吐瀉傷肝脾而脫者。有因酒濕傷脾。色慾傷腎而脫者。有因腎氣本虛。關門不固而脫者。有因過用寒涼。降多亡陽而脫者。有因濕熱下墜而脫者。然熱者必有熱證。如無熱證。便是虛證。且氣虛卽陽虛。非用溫補。多不能效。凡小兒元氣不實者。常有此證。故陳自明曰。大腸虛寒。其氣下陷。則肛門翻出。或因產努力。其肛亦然。是誠確見之

論

論治

經曰。下者舉之。徐之才曰。瀉可去脫。皆治脫肛之法也。故古人之治此者。多用參芪歸朮。川芎甘草升麻之類。以升之補之。或兼用北五味烏梅之類。以固之。瀉之。仍外用葦洗收虛

之藥則無有不愈。○凡山氣微虛而脫者。宜四君子湯。或五味異功散。○中寒吐瀉而脫者。五君子煎。或溫胃飲。○瀉痢不止而滑脫者。胃關煎。或加烏梅。北五味。文蛤。木香之屬。以佐之。○脾虛下陷而脫者。補中益氣湯。或舉元煎。○陰虛用腎不足而下陷者。補陰益氣煎。○陰中陽虛而脫者。理陰煎。或大補元煎。○以上諸證。凡虛中挾火。或熱赤。或腫痛。宜用補中益氣湯。加黃連。黃芩。槐花之類。加減治之。然必真有火證。火滅方可酌用寒涼。若非實火。則大忌苦寒。以防其沉降敗脾也。○若婦人產後用力太過。肛門脫出者。宜六物煎。加升麻。或用殿胞煎。加人參。仍須用溫熱湯洗而收之。○若濕熱下墜疼痛脫肛。甚者抽薪飲。大分清飲。微者約營煎。

述古

薛立齋曰。脫肛屬大腸氣血虛而兼濕熱。凡濕熱勝者。升陽除

濕湯○血熱者四物加條芩槐花○血虛者四物加白朮茯苓○兼痔而痛者四物加槐花黃連升麻○久痢者補中益氣湯加酒炒芍藥○中氣虛陷者前湯加半夏炮薑五味茯苓○腎虛者六味丸虛寒者八味丸

簡易方

一方 用五倍子 三錢明礬末 一錢水二碗煎沸熱洗立收

一方 治疝脫三五寸者先用五倍礬湯洗過次用赤石脂爲

末以油紙托上四圍皆摻之妙

一方 用桑葉桃葉煎湯入礬末洗之則愈或以葶麻子搗膏

藥貼頂心則不下脫

一方 用石灰炒熱以帛包裹令患者坐其上冷即易之

灸脫肛法

長強穴灸三壯愈 臍中隨年壯 百會灸三壯治小兒脫肛

脫肛論列方

四君子湯補

五君子煎新熱六

大補元煎新補

溫胃飲新熱五

四物湯補

大分清飲新寒五

補中益氣湯補三

胃關煎新熱九

六物煎新因

升陽除濕湯和一七九

舉元煎新補十七

六味丸補一二

五味異功散補四

理陰煎新熱三

殿胞煎新因十

八味丸補一二

補陰益氣煎新補四六

抽薪飲新寒三

新營煎新寒二十

論外備用方

緝砂散因二八四伏熱

伏龍肝散因二八八搽敷

真人養臟湯和一九四

蟠龍散因二八七 擦敷

薰洗炭法因二百八十三

參朮芍歸湯因二八二 氣虛

涼血清腸散因二八三 血熱

訶子人參湯因二八五 虛陷

經證謨

會稽 張介賓 曾卿著

會稽 魯 超 謙菴訂

癲狂痴瘖

經義

宣明五氣篇曰邪入於陽則狂邪入於陰則痺痺陽則癲疾痺

陰則為瘖

生氣通天論曰陰不勝其陽則脉流薄疾并乃狂○陽不勝其

陰則五臟氣爭九竅不通

調經論曰血并於陰氣并於陽故為驚狂

通天篇曰太陽之人多陽而少陰必謹調之無脫其陰而瀉其

陽陽重脫者易狂陰陽皆脫者暴死不知人也

本神篇曰肝悲哀動中則傷魂魂傷則狂妄不精○肺喜樂無極則傷魄魄傷則狂狂者意不存人

脉解篇曰太陽所謂甚則狂癩疾者陽盡在上而陰氣從下下虛上實故狂癩疾也○陽明所謂病至則欲乘高而歌棄衣而走者陰陽復爭而外并於陽故棄衣而走也

陽明脉解篇帝曰足陽明之脉病甚則棄衣而走登高而歌或至不食數日踰垣上屋所上之處皆非其素所能也病反能之何也岐伯曰四肢者諸陽之本也陽盛則四肢實實則能登高也熱盛於身故棄衣欲走也陽盛則使人妄言罵詈不避親疏而不欲食故妄走也

病能論帝曰有病怒狂者此病安生岐伯曰生於陽也陽氣皆因暴折而難決故善怒也病名曰陽厥帝曰何以知之岐伯曰陽明者常動巨陽少陽不動不動而動大疾此其候也帝

日治之奈何曰奪其食即已夫食入於陰長氣於陽故奪其食即已使之服以生鐵洛為飲夫生鐵洛者下氣疾也

通評虛實論帝曰癰疾何如岐伯曰脉搏大滑久自已脉小堅

急死不治帝曰癰疾之脉虛實何如岐伯曰虛則可治實則

死

大奇論曰心脉滿大癰瘰筋攣○肝脉小急癰瘰筋攣○一陰

急為癰瘰

邪氣臟腑病形篇曰心脉緩甚為狂笑微瀉為癰疾○肺脉急

甚為癰疾○腎脉急甚為骨癰疾

奇病論帝曰人生而有病癰疾者病名曰何安所得之岐伯曰

病名為胎病此得之在母腹中時其母有所大驚氣上而不

下精氣并居故令子發為癰疾也

寒熱病篇曰暴癰瘰眩足不任身取天柱

癩狂篇曰癩疾始生先不樂頭重痛視舉目赤甚作極已而煩
心候之於頰取手太陽陽明太陰血變而止○癩疾始作先
反僵因而脊痛候之足太陽陽明太陰手太陽血變而止○
癩疾始作而引口啼呼喘悸者候之手陽明太陽左强者攻
其右右强者攻其左血變而止○治癩疾者常與之居察其
所當取之處病至視之有過者瀉之置其血於瓠壺之中至
其發時血獨動矣不動灸窮骨二十壯窮骨者骹骨也○骨
癩疾者頤齒諸脰分肉皆滿而骨居汗出煩惋嘔多沃沫氣
下泄不治○筋癩疾者身倦攣急大刺項大經之大杼脉嘔
多沃沫氣下泄者不治○脉癩疾者暴仆四肢之脉皆脹而
縱脉滿盡刺之出血不滿灸之挾項太陽灸帶脉於腰相去
三寸諸分肉本輪嘔多沃沫氣下泄者不治○癩疾者疾發
如狂者死不治○以上俱言癩疾

狂始生先自悲也喜忘苦怒善恐者得之憂餓治之取手太
陰陽明血變而止及取足太陰陽明○狂始生少臥不餓自
高賢也自辯智也自尊貴也善罵詈日夜不休治之取手陽
明太陽太陰舌下少陰視之盛者皆取之不盛釋之也○狂
言驚善笑好歌樂妄行不休者得之大恐治之取手陽明太
陽太陰○狂目妄見耳妄聞善呼者少氣之所生也治之取
手太陽太陰陽明足太陰頭兩頰○狂者多食善見鬼神善
笑而不發於外者得之有所大善治之取足太陰太陽陽明
後取手太陰太陽陽明○狂而新發未應如此者先取曲泉
左右動脈及盛者見血有頃已不已以法取之灸骨骹二寸
壯○以上俱言狂證

長刺節論曰病在諸陽脈且寒且熱諸分且寒且熱名曰狂刺
之虛脈視分盡熱病已止病初發歲一發不治月一發不治

月四五發名曰癩病刺諸分諸脉其無寒者以鍼調之病已止

二十難曰重陽者狂重陰者癩脫陽者見鬼脫陰者目盲
五十九難曰狂癩之病何以別之然狂疾之始發少臥而不饑
自高賢也自辯智也自倨貴也妄笑好歌樂妄行不休是也
○癩疾始發意不樂僵仆宜視其脉三部俱盛是也

論證共二條

癩狂之病病本不同狂病之來狂妄以漸而經久難已癩病之
至忽然僵仆而時作時止狂病常醒多怒而暴癩病常昏多
倦而靜由此觀之則其陰陽寒熱自有冰炭之異故難經曰
重陽者狂重陰者癩義可知也後世諸家有謂癩狂之病大
概是熱此則未必然也此其形氣脉氣自亦有據不可不辨

癩卽癩也觀內經所言癩證甚詳而癩則無辨卽此可知後世有癩癩風癩風癩等名所指不一則徒滋惑亂不必然也又如別錄所載五癩曰馬癩牛癩猪癩羊癩雞癩者卽今人之謂羊癩猪癩也此不過因其聲之相似遂立此名可見癩癩無二而諸家於癩證之外又有癩證誠屬牽強無足憑也又千金方有風癩驚癩食癩及陰癩陽癩之說皆所當辨并列後條

論治共五條

凡狂病多因於火此或以謀爲失志或以思慮鬱結屈無所伸怒無所洩以致肝胆氣逆木火合邪是誠東方實證也此其邪乘於心則爲神魂不守邪乘於胃則爲暴橫剛強故治此者當以治火爲先而或痰或氣察其甚而兼治之○若止因火邪而無脹閉熱結者但當清火宜抽薪飲黃連解毒湯三

補丸之類主之○若水不制火而兼心腎微虛者宜硃砂安神丸或服蠻煎二陰煎主之○若陽明火盛者宜白虎湯玉泉散之類主之○若心脾受熱叫罵失常而微兼閉結者宜清心湯涼膈散三黃丸當歸龍薈丸之類主之○若因火致痰者宜清膈飲抱龍丸生鐵落飲主之甚者宜滾痰丸○若三焦邪實熱甚者宜大承氣湯下之○若痰飲壅閉氣道不通者必須先用吐法并當清其飲食此治狂之要也
癩病多由痰氣凡氣有所逆痰有所滯皆能壅閉經絡格塞心竅故發則旋暈僵仆口眼相引目睛上視手足搐搦腰脊強直食頃乃甦此其條病條已者正由氣之條逆條順也故治此者當察痰察氣因其甚者而先之至若火之有無又當審其脈證而兼爲之治也○氣滯者宜排氣飲大和中飲四磨飲或牛黃丸蘓合丸集成潤下丸之類主之○痰盛者宜

清膈飲六安煎二陳湯橘皮半夏湯或抱龍丸硃砂滾涎丸
之類主之○兼痰兼火者宜清膈飲硃砂安神丸丹溪潤下
丸之類主之○痰逆氣滯之甚者必用吐法吐後隨證調理
之

一癩癩證無火者多若無火邪不得妄用涼藥恐傷脾氣以致
變生他證且復有陰盛陽衰及氣血暴脫而絕無痰火氣逆
等病者則凡四君四物八珍十全大補等湯或乾薑桂附之
類皆所必用不得謂癩癩盡屬實邪而概禁補劑也若真陰
大損氣不歸根而時作時止昏沉難愈者必用紫河車丸方
可奏效○其有虛中挾實微兼痰火不清而病久不愈者集
驗龍腦安神丸最得其宜隨證增減可爲法也

一痴鼓證凡平素無痰而或以鬱結或以不遂或以思慮或以
疑貳或以驚恐而漸致痴鼓言辭顛倒舉動不經或多汗或

善愁其證則千奇萬怪無所不至脉必或弦或數或大或小變易不常此其逆氣在心或肝胆二經氣有不清而然但察其形體強壯飲食不減別無虛脫等證則悉宜服蠶煎治之最穩最妙然此證有可愈者有不可愈者亦在乎胃氣元氣之強弱待時而復非可恣也○凡此諸證若以大驚猝恐一時偶傷心胆而致失神昏亂者此當以速扶正氣爲主宜七福飲或大補元煎主之

一 小兒無狂證惟病癩者常有之凡小兒之病有從胎氣而得者有從生後受驚而得者蓋小兒神氣尙弱驚則肝胆奪氣而神不守舍空則正氣不能主而痰邪足以亂之故凡治小兒之驚癩必須先審正氣然後察其病邪酌宜治之諸法俱載小兒門所當詳察

千金方云小兒之癇有三 風癇驚癇食癇也○風癇緣衣煖汗
出風因入也初時先屈指如數乃作○驚癇起於驚悸大啼
乃作○食癇其先不哺乳而變熱後發或先寒後熱者皆食
癇也○又云病先身熱掣縱驚啼叫喚而後發癇脉浮者爲
陽癇病在六腑外在肌肉猶易治也○病先身冷不驚掣不
啼叫而病發時脉沉者爲陰癇病在五臟內在骨髓難治也
陳無擇云夫癲癇病皆由驚動使臟氣不平鬱而生涎閉塞諸
經厥而乃成或在母胎中受驚或幼小感風寒暑濕或飲食
不節逆於臟氣而成蓋忤氣得之外驚恐得之內飲食屬不
內外三因不同忤氣則一

愚謂此二家之說雖若切當然風寒外感自有表證飲食內
傷是有裏證俱未必亂神若此而癲癇爲病則忽爾昏厥此
其病則專在心經以及肝胆二臟又非風寒飲食所能殫病

若此者且風癩之義本以木邪所屬為言亦非外感之謂即
有外感或有飲食亦無非因驚因恐相兼為病耳若以三因
並列之則有未必然也

張子和曰肝屢謀胆屢不決屈無所伸怒無所洩肝木胆火隨
炎入心心火熾亢神不守舍久逆而成癲狂一因也○有思
慮過多脾傷失職心之官亦主思甚則火熾心血日涸脾液
不行痰迷心竅以致癲狂二因也

丹溪曰大法行痰為主菡蓮南星瓜萸半夏尋火尋痰分多少
而治無不愈有熱者以涼藥清其心有痰者必用吐法吐後
用東垣安神丸及平肝之藥青黛柴胡川芎之類

簡易方

一方 治狂邪觸發無時披頭大叫但欲殺人不避水火者用
苦參為末蜜丸桐子大每服五七十丸白滾湯或清茶送下

灸法

間使五壯

人中 用小炷灸之

骨骶二十壯

兩手足大姆指以二指並縛一處 灸瓜甲角七壯 於中肉處 半令其四處着火

癲狂論列方

抽新飲 新寒三

四君子湯 補一

清膈煎 新寒九

排氣飲 新和六

大和中飲 新和七

滋痰丸 攻七七

二陳湯 和一

十全大補湯

白虎湯 寒二

清心湯 寒三四

大補元煎 新補

六安煎

抱龍丸 和八五

紫河車丸 小百七

二黃丸 攻六八

蘇合丸 和三七二

牛黃丸 和三六五

八珍湯 和十九

硃砂安神丸 寒一四二

玉泉散 新寒十五

二陰煎 新補十

皮半夏湯 和十三

四磨飲 和五二

服蠶煎 新寒十九

集成潤下丸 和百十七

大承氣湯 攻一

集驗龍腦安胎丸 和一四七

論外備用方

止心湯 補八二 心虛生熱

當歸龍薈丸 七

四物湯 補八

七福飲 新補七九

硃砂滋涎丸 攻七八

涼膈散 攻十九

三補丸 寒一六二

丹溪潤下丸 和百十六

吐法 新攻一

生鐵落飲 寒七七

黃連解毒湯 寒二十

寧志丸 補百十五 養心神

辰砂妙香散 圖十五

寧志丸 和三百六十 心風養神

歸神丸 和三五九 神不守舍

五癩神應丸 和三六四 風痰

辰砂丸 和三五八 痰氣結

五生丸 執九七 寒痰

牛黃清心丸 攻三五 實熱

抱膽丸 和三五七 驚氣結

人參琥珀丸 和二三 心安神

神應丹 和三六三 鎮驚痰

秘半夏丸 和三六二 風痰

琥珀壽星丸 和百十 痰癩

犀角丸 攻九一 風痰

癰閉

經義

靈蘭秘典論曰小腸者受盛之官 化物出焉○二焦者決瀆之

官水道出焉○膀胱者州都之 官津液藏焉氣化則能出矣

宣明五氣篇曰膀胱不利為癰不 約為遺溺

生氣通天論曰陽不勝其陰則五臟氣爭九竅不通

口間篇曰中氣不足溲便為之變

本輸篇曰三焦者足少陰太陽之所將太陽之別也命太陽之

正入絡膀胱約下焦實則閉癰虛則遺溺

奇病論曰有癰者一日數十溲此不足也詳死生門入

玉機真臟論帝曰夫子言脾為孤臟中央土以灌四傍其太過

與不及其病皆何如岐伯曰人過則令人四肢不舉其不及

則令人九竅不通名曰重強

氣厥論曰胞移熱於膀胱則癰溺血膀胱移熱於小腸膈腸不

便上為口糜

經脈篇曰肝所生病者遺溺閉癰○足少陰實則癰

骨空論曰督脈為病癰痔遺溺

厥論曰厥陰之厥則少腹腫痛腹脹溼洩不利好

屈膝陰筋

臍腑內熱

邪氣臍腑病形篇曰腎脈微急爲沉厥奔豚足不收不得前後痺論曰腸痺者數飲而出不得中氣喘爭時發殮泄○胞痺者少腹膀胱按之內痛若沃以湯澁於小便上爲清涕

經脈篇曰足少陰之別名曰大鍾實則閉癰虛則腰痛陰陽類論曰二陰一陽病出於腎陰氣客遊於心腕下空窵堤閉塞不通四肢別離

至真要大論曰太陽之勝隱曲不利互引陰股○歲太陰在泉少腹痛腫不得小便

五常政大論曰涸流之紀其病癰閔邪傷腎也六元正紀大論曰陽明司天之政民病癰閉

標本病傳曰大小不利者治其標

熱病篇曰癰取之陰蹻及三毛上及血絡出血

終始篇曰內閉不得溲刺足少陰太陽與臍上以長鍼

論證共三條

小水不通是爲癰閉此最危最急證也水道不通則上侵脾胃而爲脹外侵肌肉而爲腫泛及中焦則爲嘔再及上焦則爲喘數日不通則奔迫難堪必致危殆今人一見此證但知利水或用田螺菴臍之法而不辨其所致之本無怪其多不治也

凡癰閉之證其因有四最當辨其虛實有因火邪結聚小腸膀胱者此以水泉乾涸而氣門熱閉不通也有因熱居肝腎者則或以敗精或以稿血阻塞水道而不通也若此者本非無水之證不過壅閉而然病因有餘可清可利或用法以通之是皆癰閉之輕證也惟是氣閉之證則尤爲危候然氣閉之義有二焉有氣實而閉者有氣虛而閉者夫膀胱爲藏水之

腑而水之人也由氣以化水故有氣斯有水水之出也由水以達氣故有水始有溺經曰氣化則能出矣蓋有化而入而後有化而出無化而出必其無化而入是以其入其出皆由氣化此卽本經氣化之義非單以出者言氣化也然則水中水水卽氣也今凡病氣虛而閉者必以真陽下竭元海無根水火不交陰陽否隔所以氣自氣而氣不化水水目水而水蓄不行氣不化水則水腑枯竭者有之水蓄不行則浸漬腐敗者有之氣既不能化而欲強爲通利果能行乎陰中已無陽而再用苦寒之劑能無甚乎理不甚明何知之者之不多見也至若氣實而閉者不過用強氣逆移碍膀胱或破其氣或通其滯或提其陷而壅者自無不去此治實者無難而治虛者必得其化爲不易也故凡臆此證不可不詳辨其虛實

一仲景曰在尺爲關在寸爲格關則不得小便格則吐逆此誤認關格之義也詳見關格門

論治共七條

一火在下焦而膀胱熱閉不通者必有火證火脉及溺管疼痛等證宜大分清飲抽薪飲益元散玉泉散及綠豆飲之類以利之○若肝腎實火不清或遺濁或見血者大都清去其火水必自通前法俱可通用

氣閉證當分虛實寒熱而治之

凡氣實者氣結於小腸膀胱之間而壅閉不通多屬肝強氣逆之證惟暴怒鬱結者多有之宜以破氣行氣爲主如香附枳壳烏藥沉香茴香之屬兼四苓散而用之若氣陷於下藥力不能驟及者當卽以此藥多服探吐以提其氣使氣升則水自降也○有痰氣逆滯不通者卽以二陳湯六安煎之類

探吐之○有熱閉氣逆者卽以大分清飲探吐之○有氣實
血虛而閉者用四物湯探吐之○凡氣實等證無如吐之妙
者譬之滴水之器閉其上竅則下竅不迎開其上竅則下竅
必利蓋有升則有降無升則無降此理勢之使然也

凡氣虛而小便閉者必以素多斲喪或年衰氣竭者方有此
證正以氣有不化最爲危候不易治也然凡病此者必其有
漸但覺小便短少或便時費力便當留心速治若待其劇恐
無及也但治此者亦當辨其臟氣之寒熱○若素無內熱之
氣者是必陽虛無疑也或病未至甚須常用左歸右歸六味
八味等湯丸或壯水以分清或益火以化氣隨宜用之自可
漸杜其原若病已至甚則必用八味丸料或加減金匱腎氣
湯大劑煎服庶可挽回或疑桂附辛熱不敢輕用豈知下元
陽氣虧甚得寒則凝得熱則行舍此二者更有何物可以直

達膀胱而使水因氣化也○若氣虛下陷升降不利者宜補中益氣湯主之或卽用此湯探吐之最妙○若素稟陽臟內熱不堪溫補而小便閉絕者此必真陰敗絕無陰則陽無以化水虧證也治宜補陰抑陽以化陰煎之類主之或偏於陽亢而水不制火者如東垣之用滋腎丸亦可但此卽火證之屬耳

一大小便俱不通者必先通其大便則小便自通矣宜入正散之類主之

一久服桂附之屬以致水虧陽亢而小便不通者宜解毒壯水以化陰煎之類主之○甚者以黃連解毒湯加分利滋陰等藥亦可然尤惟綠豆飲爲解毒之神劑○其有因久服陽藥作用過多火本不盛單由水虧者非六味地黃湯大劑滋之

不可也

一服分利既多而小水愈不通者此必下竭之證察其水虧於
必須大補真陰火虛者必須峻補陽氣氣達水行其便自調
不可見其假實恣意疏通此與榨乾汁沸枯油者何異致令
竭者愈竭鮮不危矣

一膀胱無水等證有因泄瀉水歸大腸而小水不通者此當但
治泄瀉泄瀉止而水自利也○有因大汗多汗氣從汗泄而
小水不利者此當調治營衛表氣收而小便自利也○有虛
勞亡血傷精水隨液去五內枯燥而小水不利者此當調補
真陰血氣漸克而小水漸利也○凡此數者皆膀胱無水枯
涸之證水泉既涸故不可再加分利內惟泄瀉證亦有可分
利者然亦不過十之三耳諸如此者當於各門詳察治之皆
非有水不通而爲癰閉之類也

一懷妊之婦每有小便不通者此以胎氣下陷溺孔被壓而然

多以氣虛不能舉胎所致宜八珍湯補中益氣湯之類主之
○若臨盆之際胎壓膀胱而小便不通者宜以手指托起其
胎則小水自出

通閉方法

凡治小水閉塞不通危急之甚諸藥不效者速尋白菊花根搗
爛用生白酒衝和取酒汁溫而飲之神效○按此方或白花
者一時難得卽不拘何色但以家菊根代之亦必無不效
一法治膀胱有溺或因氣閉或因結滯阻塞不能通達諸藥
不效危困將死者用猪溲胞一個穿一底竅而頭俱用鷺翎
筒穿透以線札定并縛住下口根下出氣者一頭乃將溲胞
吹滿縛住上竅却將鷺翎尖插入馬口解去根下所縛手捻
其胞使氣從尿管透入膀胱氣透則塞開塞開則小水自出
大妙法也

一通塞法凡敗精乾血或溺孔結垢阻塞水道小便服急不能出者令病人仰臥亦用鷺翎筒插入馬口乃以水銀一二錢徐徐灌入以手逐段輕輕導之則諸塞皆通路通而水自出水出則水銀亦從而噴出毫無傷碍亦最妙法也

一薰洗通便法凡偶有氣閉小水不通脹急危困之極者速用皂角葱頭王不留行各數兩煎湯一盆令病者坐浸其中薰洗小腹下體久之熱氣內達壅滯自開便即通矣若係婦人亦可用葱數莖塞陰戶中外加薰洗其通尤速

述古共三條

易老云寒在胞中遏塞不入熱在下焦填塞不便須用感北方寒水之化氣味俱陰之藥以除其熱泄其閉塞

東垣治一人病小便不利目睛突出腹脹如鼓膝已上堅硬皮膚欲裂飲食不下服甘淡滲利之藥皆不效子曰疾急矣非

精思不能處思至半夜曰吾得之矣經曰膀胱者津液之腑必氣化而能出焉多服滲利之藥而痛益甚是氣不化也啓玄子云無陽則陰無以主無陰則陽無以化其淡氣薄者皆陽藥獨陽無陰欲化得乎遂以滋腎丸群陰之劑投之再服

愈

丹溪曰小便不通有氣虛有血虛有實熱有痰有濕有氣結下焦血氣乾者死

癃閉論列方

抽薪飲新寒三

四苓散和一八七

入正散寒百十五

益元散寒百十二

上泉散新寒十五

大分清飲新寒五

化陰煎新寒七

滋腎丸寒一六三

陳湯和一

六味湯補一二一

八味湯補一二二

補中益氣湯補三

左歸飲新補二

右歸飲新補三

黃連解毒湯寒一

六安煎新和二

四物湯補八

金匱腎氣湯補一二六

綠豆飲新寒十四

八味丸補一二二

論外備用方

地髓湯和三四五

閉痛

疏鑿飲和五三

水閉

人參固本丸補百七

陰虛

五苓散和一八二

葱白湯和三百五十氣閉欲死

萬全木通湯和三四九利便

導赤散寒一二二

七正散寒百十六火閉

導水茯苓湯和六二

閉而腫 葱熨法因二九一

清肺飲子寒四十 氣分熱

黃芩清肺飲 寒三八 氣熱

葵子湯寒一二四 膀胱熱

赤茯苓湯寒一二三 膀胱熱

直指黃芩湯 寒百七 心肺熱 猪苓湯 和一八九 傷寒 下後小便不通

獨蒜通便方 因二八九 龍膽瀉肝湯 寒六三 肝火

十全大補湯 補二千 三味牛膝湯 寒一二 莖痛閉

加味龍膽瀉肝湯 寒六四 加味逍遙散 補九四 虛熱

加味通心飲 寒三三 疝閉 良方龍膽瀉 肝湯 寒六二

大連翹飲 寒七八 風熱 小便不通方 因二百九十

秘結

經義

價真言論曰北方黑色入通於腎開竅於二陰

厥論曰膀胱移熱於小腸隔腸不便

川篇曰太陰所謂病脹者得後與氣則快然如衰也

臟腑病形篇曰腎脉微急為不得前後○小腸病者小腹

痛腰脊控舉而痛時窘之後

五常政大論曰澗流之紀其病痿厥墜下○其病癰閉邪傷腎也

六元正紀大論曰不遠熱則熱至淋闕之病生矣○太陽所至爲流泄禁止○燥勝則乾

至真要大論曰太陰司天病陰痺大便難陰氣不用病本於腎○太陽之勝隱曲不利互引陰股○少陰之復隔腸不便

宣明五氣篇曰腎惡燥

臟氣法時論曰腎苦燥急食辛以潤之開腠理致津液通氣也雜病篇曰厥氣走喉而不能言于足清大便不利取足少陰

論證 共二條

秘結一證在古方書有虛秘風秘氣秘熱秘寒秘濕秘等說而東垣又有熱燥風燥陽結陰結之說此其立名太煩又無確

據不得其要而徒滋疑惑不無爲臨證之害也不知此證之
當辨者惟二則曰陰結陽結而盡之矣蓋陽結者邪有餘宜
攻宜瀉者也陰結者正不足宜補宜滋者也知斯二者卽知
秘結之綱領矣若或疑余之說而欲必究其詳則凡云風秘
者蓋風未必秘但風勝則燥而燥必由火熱則生風卽陽結
也豈謂因風而宜散乎有云氣秘者蓋氣有虛實氣實者陽
有餘陽結也氣虛者陽不足陰結也豈謂氣結而盡宜破散
乎至若熱秘寒秘亦不過陰陽之別名耳再若濕秘之說則
濕豈能秘但濕之不化由氣之不行耳氣之不行卽虛秘也
亦陰結也總之有火者便是陽結無火者便是陰結以此辨
之豈不了然余故曰凡斯二者卽秘結之綱領也

一秘結之由除陽明熱結之外則悉由乎腎蓋腎主二陰而司
開闔故大小便不禁者其責在腎然則不通者獨非腎乎故

腎熱者宜涼而滋之腎寒者宜溫而滋之腎虛者宜補而滋之腎乾燥者宜潤而滋之經曰腎若燥急食辛以潤之開腠理致津液通氣也正此之謂

論治 共七條

一陽結證必因邪火有餘以致津液乾燥此或以飲食之火起於脾或以酒色之火熾於腎或以時令之火蓄於臟凡因暴病或以年壯氣實之人方有此證然必有火證火脈內外相符者方是陽結治此者又當察其微甚邪結甚者非攻不可宜諸承氣湯神祐丸白順丸之類主之○邪結微者宜清涼飲子元戎四物湯或黃龍湯玉燭散之類主之○火盛不解者宜涼膈散大黃硝石湯八正散大分清飲大金花丸之類主之○火盛水虧陰虛而燥者宜丹溪補陰丸人參固本丸或六味地黃加黃柏知母麻仁之類主之

一陰結證但察其既無火證又無火脉或其人喜熱惡冷則非陽證可知然既無邪何以便結不通蓋此證有二則一以陽虛一以陰虛也凡下焦陽虛則陽氣不行陽氣不行則不能傳送而陰凝於下此陽虛而陰結也下焦陰虛則精血枯燥精血枯燥則津液不到而腸臑乾稿此陰虛而陰結也故治陽虛而陰結者但益其火則陰凝自化宜右歸飲大補元煎大營煎之類主之或以人參百歸數錢煎湯送右歸八味等丸俱妙○治陰虛而陰結者但壯其水則涇渭自通宜左歸飲左歸丸當歸地黃飲五福飲六味地黃丸之類主之○二者欲其速行宜於前法中各加肉蓯蓉二三錢以酒洗去鹹同煎服之其效尤速然此等證候其來有漸但初覺時便當加意調理自無不愈若待氣血俱敗則最難爲力而徒歸罪於藥之不效亦何其不智也○以上陰結一證雖氣血之分

自當如此然血虛者亦必氣有不行氣虛者豈曰血本無恙
大都虛而兼熱者當責其血分虛而兼寒者當責其氣分此
要法也第今之世人但知有熱秘而不知有冷秘所以局方
有半硫丸海藏有已寒丸之類皆治此之良劑所當察也若
欲兼溫兼補似不若八味地黃丸及理陰煎之屬爲更妙
一大便本無結燥但連日或旬日欲解不解或解止些須而不
能通暢及其既解則仍無乾硬凡此數者皆非火證總由七
情勞倦色慾以致陽氣內虧不能化行亦陰結之屬也此當
詳察脾胃辨而治之病在脾者宜治中焦以理中湯溫胃飲
五君子煎歸脾湯補中益氣湯之類主之病在腎者宜治下
焦以右歸飲大補元煎八味地黃湯之類主之
一老人便結大都皆屬血燥蓋人年四十而陰氣自半則陰虛
之漸也此外則愈老愈衰精血日耗故多有乾結之證治此

之法無他惟虛者補之燥者潤
實微甚及有火無火因其人而
如道滯通幽湯○菴蓉潤腸丸
丸○衛生潤腸丸○元戎四物
可選用○又豕膏爲潤燥之神
虛大熱者宜用前陰陽結治法
只用火麻仁蘘子仁各半研取
藥而秘愈

一便閉有不得不通者凡傷寒雜
之類皆宜以熱結治法通而去
瀉而下焦脹閉又通不宜緩者

達

元氣薄弱之人凡患傷寒雜證

之而盡之矣然亦當辨其虛
調理之可也○凡潤燥等劑

○搜風順氣丸○東垣潤腸

湯○三仁丸百順丸之類皆

劑最當隨宜用之○其有大

○許學士治年老虛人便秘

汁服之更煮粥食之不必服

證等病但屬陽明實熱可攻

之若察其元氣已虛既不可

但用濟川煎主之則無有不

病氣不足等病而有大大便不

行者但察其胸腹下焦若絕無火質痞塞急墜欲解等患此
其中本無實邪卽雖十日二十日不解亦自無妨切不可因
其不便強爲疎導蓋其胃口未開食飲未進則全賴中氣以
爲捍禦之本但俟邪氣漸退胃氣漸和則自然通達無足慮
也若腸臟本無滯碍而強爲通利以泄胃氣遂至主不勝客
者有之邪因而陷者亦有之此其害受於冥冥之中而人多
不知也識之慎之

一秘結證凡屬老人虛人陰臟人及產後病後多汗後或小水

過多或吐血失血大吐大瀉之後多有病爲燥結者蓋此非

氣血之虧卽津液之耗凡此之類皆須詳察虛實不可輕用

范硝大黃巴豆牽牛芫花大戟等藥及承氣神芎等劑雖今

日暫得通快而重虛其虛以致根本日竭則明日之結必將

更甚愈無可用之藥矣况虛弱之輩幸得後門堅固最是壽

徵雖有澁滯亦須緩治但以養陰等劑漸加調理則無有不潤故病家醫家凡遇此類切不可性急欲速以自取其敗而致悔無及也

述古 共四條

東垣曰金匱真言論云北方黑色入通於腎開竅於二陰又云大便難者取足少陰夫腎主五液津液潤則大便如常若饑飽失節勞役過度損傷胃氣及食辛熱味厚之物而助火邪耗散真陰津液虧少故大便結燥然結燥之病不一有熱燥有風燥有陽結有陰結又有年老氣虛津液不足而結燥者治法云腎惡燥急食辛以潤之結者散之如少陰不得大便以辛潤之太陰不得大便以苦泄之陽結者散之陰結者溫之仲景曰小便利而大便硬不可攻下以脾約丸潤之食傷太陰腹滿而食不化腹響然不能大便秘者以苦藥泄之如血

燥而不能大便者以桃仁酒製大黃通之風結燥而大便不行者以麻子仁加大黃利之如氣滯而大便不通者以郁李仁枳實皂角仁潤之大抵治病必究其源不可一槩用巴豆牽牛之類下之損其津液燥結愈甚復下復結極則以致導引於下而不通遂成不救噫可不慎哉○又曰凡臟腑之秘不可一例治有虛秘有實秘實秘者能飲食小便赤麻仁丸七宣丸之類主之胃虛而秘者不能飲食小便清厚朴湯主之蓋實秘者物也虛秘者氣也

予觀此東垣之法多從治標雖未有虛實之辨而用厚朴湯者此但以有物無物言虛實謂有物者當下之無物者當行其氣耳而於真陰虧損邪正之虛實則所未及此其法固不可廢亦不可泥也

丹溪曰古方有脾約證制脾約丸謂胃強脾弱約束津液不得

四布但輸膀胱故小便數而大便難者曰脾約與此丸以下
脾之結燥腸潤結化津液入胃而愈然既曰脾約必陰血枯
稿肉火燔灼熱傷元氣故肺受火邪而津竭必竊母氣以自
救金耗則土受木傷脾失轉輸肺失傳送宜大便秘而難小
便數而無藏蓄也理宜滋養陰血使陽火不熾金行清化脾
土清健津液入胃則腸潤而通矣今此丸用之熱甚而氣實
與西北方人稟之壯實者無有不安若用之東南方人與熱
雖盛而氣血不實者雖得暫通將見脾愈弱而腸愈燥矣須
知在西北以開結爲主在東南以潤燥爲主
節齋曰若年高人脾虛血燥易飢易飽大便燥難用白芍藥
當歸各一兩人參七錢升麻炙甘草各四錢山查大麥芽桃
仁去皮尖另研各五錢此老人常服藥也
薛立齋曰前證屬形氣病氣俱不足脾胃虛弱津血枯涸而大

便難耳法當滋補化源又有脾約證成無已曰胃強脾弱約束津液不得四布但輸膀胱小便數而大便難者是也宜用脾約丸陰血枯槁內火燔灼肺金受邪土受木剋脾風蠢傳大便秘而小便數者宜用潤腸丸此乃病氣有餘之治法也經云脾爲至陰已土而主陰然老弱之人當補中益氣以生陰血○又曰腎開竅於二陰大小便也若腎經津涸者用六味丸脾肺氣虛者補中益氣湯脾經鬱結者加味歸脾湯氣血虛者八珍湯若發熱作渴飲冷用竹葉黃芪湯若膏梁厚味積熱者加味清胃散

陽結新按

余嘗治一壯年素好火酒適於夏月醉則露臥不畏風寒此其食性臟氣皆有大過人者因致熱結三焦二便俱閉余先以大承氣湯用大黃五七錢如石投水又用神祐丸及導法俱

不能通且前後俱閉危劇益甚遂仍以大承氣湯加生黃二兩芑硝三錢加牙皂一錢煎服黃昏進藥四鼓始通大便通而後小便漸利此所謂盤根錯節有非斧斤不可者卽此之類若優柔不斷鮮不害矣

陰結新按

朱翰林太夫人年近七旬於五月時偶因一跌卽致寒熱群醫爲之滋陰清火用生地芍藥丹皮黃芩知母之屬其勢日甚及余診之見其六脉無力雖頭面上身有熱而口則不渴且足冷至股余曰此陰虛受邪非跌之爲病實陰證也遂以理陰煎加人參柴胡二劑而熱退日進粥食二三碗而大便以半月不通腹且漸脹咸以爲慮群議燥結爲火復欲用清涼等劑余堅執不從謂其如此之脉如此之年如此之足冷若再一清火其原必敗不可爲矣經曰腎惡燥急食辛以潤之

正此謂也乃以前藥
更加薑附倍用人參當歸數劑而便即
通脹即退日漸復原
矣病起之後眾始服其定見

秘結論列方

承氣湯 攻一

黃龍湯 攻二

五君子煎 新熱六

厚朴湯 和三三六

八正散 寒百十五

大補元煎 新補一

涼膈散 攻十九

大營煎 新補十四

補中益氣湯 補三一

理中湯 熱一

理陰煎 新熱五

當歸地黃飲 新補二十

溫胃飲 新熱五

歸脾湯 補三三

加味歸脾湯 補三四

左歸飲 新補二

右歸飲 新補三

加味清胃飲 寒五五

左歸丸 新補四

五福飲 新補六

人參固本丸 補百七

濟川煎 新補二

豕膏新因二九

元戎四物湯 攻二六

六味丸 補一二

八味丸 補一二二

丹溪補陰丸 寒百六

麻仁丸 攻九二

玉燭散 攻二四

竹葉黃芪湯 寒七

脾約丸 攻九三

八珍湯 補十九

東垣潤腸丸 和百四十

三仁丸 和三三八

百順丸 新攻六

大分清飲 新寒五

衛生潤腸湯 和三三

七宣丸 攻九四

清涼飲子 攻二五

菴蓉潤腸丸 和三四

神祐丸 攻四八

大金花丸 攻五五

導滯通幽湯 和三三

大黃硝石湯 攻十四

搜風順氣丸 和三四

論外備用方

三和散和百五十氣秘

盆血丹補一五九 凸血久虛

人參固本丸補百七 陰虛

潤腸湯和三三三 血燥

通幽湯和三三四 燥結和痛

半硫丸熱一八八 虛冷秘

皂角散和三三七 通秘

當歸承氣湯攻六

十全大補湯補二十 虛秘

犀角丸攻九十 痰火秘

益血潤腸丸和三四 老人便秘 調營活絡飲和二八三

大已寒丸熱一七二 寒秘

木香檳榔丸攻五十 積熱秘

芍藥清肝散寒六一

當歸龍薈丸寒一六七

桃仁承氣湯攻四

聖惠搜風順氣丸和三四四 血燥熱

詐病

論證

夫病非人之所好而何以有詐病蓋或以爭訟或以鬪毆或以妻妾相妬或以名利相關則人情詐偽出乎其間使不有以燭之則未有不爲其欺者其治之之法亦惟借其欺而反欺之則真情自露而假病自瘳矣此亦醫家所必不可少者

仲景曰病者向壁臥聞師到不驚起而盼視若三言三止脉之嚙唾者此詐病也設見脉自和處或師持其脉病人欠者皆無病也但言此病太重當須服吐下藥鍼灸數十百處乃愈

新按

予向同數友遊寓榆關客邸內一友素耽風月忽於仲冬一日譙鼓初聞其友急叩予戶啓而問之則張皇求救云所狎之妓忽得急證勢在垂危倘遭其厄禍不可解予隨往視之見其口吐白沫僵仆於地以手摸之則口鼻四肢俱冷氣息如絕陡見其狀殊爲驚駭因拽手診之則氣口和平脉不應證

予意其脉和如此而何以證危如是第以初未經識猶不知其爲詐也然沉思久之則將信將疑而復診其脉則安然如故始豁然省悟豈卽仲景之說也遂大聲於病妓之傍曰此病危矣使非火攻必不可活非用如棗如栗之艾亦不可活又非連灸眉心人中小腹數處亦不可活余富有艾宜速取來灸之然火灸尙遲姑先與一藥使其能嘔嘔後少有聲息則生意已復卽不灸亦可若口不能嘔或嘔後無聲當速灸可也卽與一藥囑其服後卽來報我彼狡奴聞予之言竊已驚怖惟恐艾着身藥到卽嘔嘔後少頃卽呼聲出而徐動徐起矣予次日問其所以乃知爲吃醢而發也予聞之大笑始知姊妹行中奸狡之况有如此

又子在都中時一相契金吾公畜二妾其一則燕姬也有母隨之一日二妾相競燕姬理屈其母助惡叫跳撒賴遂致氣厥

若死乃令一婢抱持而坐自暮及旦絕無甦意清晨延予療
之予初入室見其肉厚色黑面青目瞑手撒息微及診其脉
則伏渺若脫亦意其真危也斯時也欲施溫補則慮其大怒
之後逆氣或有未散欲加開導則慮其脉之似絕虛極有不
能勝躊躇未決乃請復診及入室再見則不若前次之撒手
而十指交叉抱腹仰坦於婢者之懷因疑其前番撒手今既
能又手豈他人之所爲乎及著手再診則似有相憐不容之
意而拽之不能動此更可疑也因出其不意卒猛一扯則頓
脫有聲力強且勁由是前疑始釋謂其將死之人豈猶力有
如是乎乃思其脉之若此者或以兩原氣滯此北人稟賦多
有之也或以兩腋夾緊此奸人狡詐亦有之也著其面青息
微則怒氣使然自不足怪識見既定因聲音其危使聞灸法
以恐勝之遂先投一劑到咽卽活次日會公因詢予曰昨日昨

之病固料其勢必危矣然謂其爲真邪則何以藥甫及層而效之峻速有如此謂其爲假耶則何以能終夜做作而形證之肖似有如此昨公所用之藥果亦有何玄秘否是皆不能無疑也予曰予之玄秘秘在言耳亦不過借藥爲名耳但使彼懼敢不速活經曰憂可勝怒正此謂也是可見人情之巧其有最難測者皆如此使昨非再診而再察之則予亦幾爲所誑矣是以凡遇此類不可不加之詳審

又一姻戚士子爲宦家所毆遂臥病旬日吐血盈盆因喧傳人命連及多人延醫數輩見其危劇之狀皆束手遠避防爲所累也最後予往視之察其色則絕無窘苦之意診其脉則總皆和緩如常予始疑之而繼則悟之因潛語之曰他可欺也予亦可欺耶此爾之血也抑家禽之血耶其人愕然澆予無言遂爲調和而相銜感而散口又一隣婦以妬妾作鬧詬夫

反目因而病劇則交牙瞪眼僵厥不蘇若命在呼吸間者其夫驚皇無措其妾幾遭不堪挽予救之則脉非其病遂用前法治之愈後其夫感謝而不知爲其所愚也若此二人則又人事中之常態使不有懸朗之鑑則此中變幻有以假病而延成真病者有以小忿而延成大禍者茲予拂之若振埃不但爲人造福而且可防人之欺故亦紀之以資倉卒之急用

癘風

經義

風論曰風氣與太陽俱入行諸脉俞散於分肉之間與衛氣相干其道不利故使肌肉憤臙而有瘍衛氣有所凝而不行故其肉有不行也○癘者有營氣熱附其氣不清故使鼻柱壞而色敗皮膚瘍潰風寒客於脉而不去名曰癘風或名曰寒

熱

長刺節論曰病大風骨節重鬚眉墮各曰大風刺肌肉爲故汗出百日刺骨髓汗出百日凡二百日鬚眉生而止鍼○癘風者素刺其腫上已刺以銳鍼鍼其處按出其惡氣腫盡乃止常食方食無食他食

脈要精微論曰脈風成爲癘

論證

癘風卽大風也又謂之癘風俗又名謂大麻風此病雖各爲風而實非外感之風也實以天地間陰厲濁惡之邪或受風木之化而風熱化蟲或受濕毒於皮毛而後及營衛或犯不潔或因傳染皆得生焉蓋蟲者厥陰主之厥陰爲風木主生五蟲也蟲之生也初不爲意而漸久漸多遂致不可解救誠最惡最危最醜證也又千金云自作不仁極惡之業也所以最

爲難治觀孫真人云嘗治數百人終無一人免於死者蓋無一人能守禁忌故耳惟一婦人病愈後又服加減四物湯百餘劑半年之上方得經行十分全愈又丹溪治五人亦惟一婦人得免以其貧甚且寡無物可喫也外三四人者越二三年皆復作而死由此觀之可見此證非得出奇秘方鮮能取效故予逢此證不敢強以爲知而妄施治療亦不敢強言治法以惑後人至若古人論治之法亦甚詳悉用之得宜雖病根未必可拔而延保餘年天枉自亦可免由是徧求諸說則惟薛立齋癘瘍機要論列已全今擇其要并諸論之得理者詳述於左以爲證治之綱領云

述古論 共三條

立齋曰大抵此證多由勞傷氣血腠理不密或醉後房勞沐浴或登山涉水外邪所乘衛氣相搏濕熱相火血隨火化而致

故淮揚閩廣間多患之近代先哲云感天地肅殺惡氣所致
其上體先見或多者毒在上也下體先見或多者毒在下也
蓋氣分受邪則上多血分受邪則下多氣血俱受則上下齊
見凡眉毛先落者毒在肺面發紫泡者毒在肝脚底先痛或
穿者毒在腎徧身如癰者毒在脾目先損者毒在心此五臟
受病之重者也○又一日皮死麻木不仁二日肉死鍼刺不
痛三日血死潰爛四日筋死指脫五日骨死鼻衄壞此五臟
受傷之不可治者也若聲啞目盲尤爲難治○又治法當辨
本證兼證變證類證陰陽虛實而斟酌焉若妄投燥熱之劑
膿水淋漓則肝血愈燥腎水愈枯相火愈旺反成敗證矣
癰瘍所患非止一臟然其氣血無有弗傷兼證無有弗見况
積歲而發見於外須分經絡之上下病勢之虛實不可槩施
攻毒之藥當先助胃壯氣使根本堅固而後治其瘡可也經

云真氣奪則虛邪氣勝則實凡云病屬有餘者常察其元氣不足

耆婆惡病論曰疾風有四百四種總而言之不出五種卽是五風一曰黃風二曰青風三曰白風四曰赤風五曰黑風其風合五臟故曰五風五風生五蟲黃風生黃蟲青風生青蟲白風生白蟲赤風生赤蟲黑風生黑蟲食人五臟若食人脾語變聲散食人肝眉睫墮落食人心遍身生瘡食人肺鼻柱崩倒鼻中生瘰肉食人腎耳鳴啾啾或如車行雷鼓之聲若食人皮皮膚頑痺食人筋肢節墮落五風合五臟蟲生致多人於骨髓往來無礙壞於人身名曰疾風疾風者是癘風之根本也病之初起或如針錐所刺名曰刺風或如蟲走名曰遊風遍身掣動名曰瞶風不覺痛痒名曰頑風肉起如桃李小窠核從頭面起者名曰順風從兩脚起者名曰逆風如連錢

團圓赤白青烏斑駁名曰癩風或遍體生瘡或如芥癬或如魚鱗或如榆莢或痒或痛黃汗流出肢節壞爛爲膿爲血或不痒不痛或起或滅青黃赤白黑變易不定病起之由皆因冷熱不調流於五臟通徹骨髓用力過度飲食雜穢房室不節虛勞動極汗流遍體因茲積熱於五臟致生多蟲食人五臟骨髓皮肉筋節久久敗壞名曰癩風惟見黑蟲者最爲難治人得此疾速宜棄家室財物離妻妾人山靜養療治無有不瘥

述古治法 共八條

立齋曰凡癩瘍當知有變有類之不同而治法有汗有下有砭刺攻補之不一蓋兼證當審輕重變證當察先後類證當詳真僞而汗下砭刺攻補之法又當量其人之虛實究其病之原委而施治之蓋虛者形氣虛也實者邪氣實而形氣未

必貫也

一癘瘍疔刺之法子和張先生謂一汗抵千針蓋以砭血不
發汗之周徧也然發汗卽出血卽發汗二者一律○若
惡血凝滯在肌表經絡者宜刺宜汗取委中出血則效○若
惡毒蘊結於臟腑非蕩滌其內則不能痊○若毒在外者非
砭刺遍身患處及兩臂腿腕兩手足指縫各出血其毒必不
能散○若表裏俱受毒者非外砭內泄其毒決不能退○若
上體多宜用醉仙散取其內蓄惡血從齒縫中出及刺手指
縫并臂腕以去肌表毒血○若下體多宜用再造散令惡血
陳壘從穀道中出仍針指足縫并腿腕隔一二日更刺之以
血赤爲度○如有寒熱頭痛等證 大補氣血爲主

一癘瘍服輕粉之劑若腹痛去後兼有膿穢之物不可用藥止
之○若口舌腫痛穢水時流作渴發熱喜冷此爲上焦熱毒

宜用瀉黃散○若寒熱往來了小柴胡湯加知母○若

齒縫出血發熱而大便秘結此爲熱毒內淫宜用黃連解毒

湯若大便調和用局方犀角地黄湯○若穢水雖盡口舌不

愈或發熱作渴而不飲冷此虛熱也宜七味白朮散

一癘瘍手足腿臂或各指拳攣者由陰火熾盛虧損氣血常用

加味道遙散加生地黄及換肌散煎服

一癘瘍生蟲者以五方風邪合相火制金金衰不能平木所

以化蠱內食五臟而證則見於外也宜用升麻湯送瀉青丸

或樺皮散以清肺肝之邪外灸承漿以疏陽明在脉則風熱

息而蟲不生矣若肝經虛熱者佐以加味道遙散六味地黃

丸

徐東臯口經云汗之則瘡已沉癩之爲風尤瘡之最惡者故曰

癘風諸瘡熱久熱則生風且癘風尤染諸毒之久而尤者才

非汗法何以去其毒風所以汗之一法乃治癘之最要者其餘諸方次第用之可也○凡患人身上痒甚蓋以風邪氣鬱血不榮敷而然宜四物湯加黃芩白芷調浮萍末服發汗而愈

癘風灸法先服樺皮散自少至多服五七日灸承漿穴七壯灸瘡愈後再灸之凡三灸之後服一聖散泄熱祛血中之風邪時更以升麻湯送下瀉青丸為佳倘年深日久即以愈風丹換骨丹等方詳而用之

凡大風初起頭面搔痒便有紅紫疹塊起者即可服防風通聖散加苦參天麻蟬退數十貼外用七珍湯浴洗發汗則易愈大忌五辛葷腥厚味半年必不再發

述古變證治法 共三條

齋日一身起疙塔搔破膿水淋漓若寒熱往來者肝經氣血

虛而有火也用八珍湯加丹皮柴胡○寒熱內熱者血氣弱而虛熱也八珍湯倍加參朮○若惡寒形寒者陽氣虛寒也用十全大補湯○若肌膚搔如帛隔者氣血不能外榮也人參養營湯○若面部抓之麻木氣血不能上榮也補中益氣湯○若痿弱筋攣者血氣不能滋養也補中益氣湯佐以六味地黃丸

一遍身疥瘡或癩疹搔痒此風熱傷血用羌活當歸散氣虛者佐以補中益氣湯加山梔鈎藤鈎血虛者佐以加味逍遙散加鈎藤鈎○若手足皴裂不問黧白或於手足腿腕搔起白皮此風熱燥澀也用清胃散加芍藥

一面赤搔痒或眉毛脫落此屬肺經風熱用人參消風散樺皮散氣虛用補中益氣湯加天麻僵蚕血虛用加味逍遙散加鈎藤鈎○若面發紫泡或成塊或眉毛脫落屬肝經風熱生

用小柴胡湯加山梔丹皮釣藤鈎後用伽味道透散○凡詔
屬肝經血糯生風者但宜滋腎水
瘁自止
風燥

兼證治法

一癘瘍之有兼證變證凡如表裏臟腑諸病無不有之其各治
法亦已具悉各門但有所值卽宜隨證參用之左右逢源無
弗善也重錄資繫茲不贅及

解諸毒

一敷砒霜思慮作痛或腐潰者用濕泥頻塗換之若毒氣入腹
胸膈苦楚或作吐瀉飲冷米醋一二杯卽止多亦不妨生綠
豈末芝麻油俱可○敷貼雄黃藥悶亂或吐瀉用防已煎湯
解之○服辛熱藥而眉髮脫落者乃肝經血傷而火動非風
也用四物湯六味丸以滋肝血生腎水○服川烏草烏等藥

悶亂流涎或昏憤嘔吐或出血吐血用大豆遠志防風甘草
任用一味煎湯解之大凡服風藥過多皆宜用之如未應急
用其草生薑汁○敷貼巴豆之藥患處作痛脫肉潰爛以生
黃連爲末水調敷之若毒入內吐瀉等證更以水調服一二
錢或大小豆薑蒲汁皆可○敷貼藜蘆毒入內煎葱湯解之
○服祛風尅伐之藥嘔吐少食胸膈不利或形氣倦怠等證
用六君子湯以補陽氣若煩熱作渴飲食不思或晡熱內熱
而赤發熱用四物湯加參朮以生陰血餘從之門治之

禁忌

人之患斯疾者多由嗜慾不謹所致治斯疾者速當斷戒葷腥
鹽醬一切厚味只宜清心寡慾絕色忘慮幽隱林泉屏棄世
務蚤蚤救療庶幾可活稍不守禁每見愈而復作及致危劇
莫能再救總以其不守禁忌也

癘風論列方

醉怡散外二百七十

黃連解毒湯寒一

換骨丹和二七九

七珍湯外二八三

六味地黃丸補二二

二聖散外二六七

愈風丹外二六六

補中益氣湯補二二

六君子湯補五

清胃散寒五四

人參養營湯補二二

防風通聖散 攻十六

再造散外二七三

換肌散外二七二

七味白朮散小七

八珍湯補十九

四物湯補八

十全大補湯補二二

瀉黃散寒五七

樺皮散外二六八

人參消風散散四七

小柴胡湯散十九

瀉青丸寒一五

加味逍遙散補九四

烏方犀角地黃湯寒七九

論外備用方

升麻湯外二六九

白花蛇丸外二七四

雷丸散外二七九

行藥方外二七七

防風天麻丸外二七六

烏頭湯外二八四

救癰方外二八五

浮萍散外二七一

皂角散外二七八

白花蛇膏外二七五

硫黃酒外二八二

苦參酒外二八一

洗癰方外二八六

黑虎丹外二百八十

平氣長候二百六十

氣血長候二百六十

精氣長候二百六十

神氣長候二百六十

白濁長候二百六十

身自體長二百六十

野氣長候二百六十

備保論俱式

天入身自體長二百六十

景岳全書卷之三十五天集

雜證謨

會稽 張介賓 會卿著

會稽 魯 超 謙菴訂

三 虫 蛭

經義

厥病篇曰腸中有虫瘕及蛟蛭皆不可取以小鍼心腸痛膿作痛腫聚往來上下行痛有休止腹熱喜渴涎出者是蛟蛭也以手按聚而堅持之無令得移以大鍼刺之久持之虫不動乃出鍼也恙腹膿痛形中上者

口問篇帝曰人之涎下者何氣使然岐伯曰飲食者皆入於胃胃中有熱則虫動虫動則胃緩胃緩則廉泉開故涎下補足少陰

五癰津液別篇曰中熱則胃中消穀消穀則重上下作腸胃克
郭故胃緩胃緩則氣逆故唾出

上膈篇曰氣爲上膈者食飲入而還出蟲爲下膈下膈者食晬
時乃出詳疔膈門

氣交變大論曰歲木不及收殺氣行寒雨害物蟲食其黃脾土
受邪○歲土不及復則收政嚴峻名木蒼凋蟲食其黃氣客
於脾

論疾診尺篇曰肘後麤以下三四寸熱者腸中有蟲
邪氣臟腑病形篇曰脾脉微滑爲蟲毒蚘蝨腹熱

論證共三條

重之爲病人多有之由於化生誠爲莫測在古方書雖曰由濕
由熱由口腹不節由食飲停積而生是固皆有之矣然以常
見驗之則凡藏強氣盛者未聞其有重正以隨食隨化而自

難存而重能爲患者終是臟氣之弱行化之遲所以停聚而漸致生重耳然則或由濕熱或由生冷或由肥甘或由滯膩皆可生重非獨濕熱已也然以數者之中又惟生冷生重爲最卽如收藏諸物但着生水或近陰濕則最易蛀腐非其義乎故凡欲愛養小兒極當節其水菓以防敗脾此實緊要之一端也至若治重之法雖當去重而欲治生重之本以杜其源猶當以溫養脾腎元氣爲主但使臟氣陽強非惟重不能留亦自不能生也余製有溫臟丸方最所宜也

重之爲病其類不一或由漸而甚或由少而多及其久而爲害則爲腹痛食減漸至羸瘠而危者有之凡重痛證必時作時止來去無定或嘔吐青黃綠水或吐出重或痛而坐臥不安或大痛不可忍面色或青或黃或白而唇則紅然痛定則能飲食者便是重積之證速宜逐之

本事方云心虫曰蛔脾虫曰寸白腎虫如寸截絲縷肝虫如爛杏肺虫如蠶皆能殺人惟肺虫爲急肺虫居肺葉之內蝕人肺系故成瘵疾咯血聲嘶藥所不到治之爲難

論治 共四條

治虫之劑凡虫勢驟急上攻心腹作痛者宜掃虫煎先治其標○若虫積堅固者宜獵虫丸遇仙丹木香檳榔丸百順丸之類主之○若稍緩而質弱者宜蕪荑散化虫散之類主之丹溪云打虫方用棟樹根枳榔鶴風夏取汁冬濃煎飲之又萬應丸最妙

治虫之法按丹溪云上半月虫頭向上易治下半月虫頭向下難治先以肉汁或糖蜜引虫頭向上然後用藥此皆法之善者然此惟緩治之法耳然虫證甚急又安能必待其時乎且以望前望後辨虫頭亦若渺茫無據惟先用香餌而虫頭

可引豈非望後之治亦自有法又何慮其難治也

徐東臯云治重之方固多而用之者不知其法則亦不能下重如丹溪云重頭向下之時必須俟其向上法當行於月半之前也若重得食則不食藥亦不能下重而徒瀉其虛也故雖有方不知其法則方亦不效凡欲下重必先一日不食而使重饑次早五更用油煎肉嚼之良久腹內重聞肉香頭背向上而欲食乃以雞蛋煎餅和藥嚼而食之須臾服葱湯或白水少少以助藥力下行不踰時而重俱下甚至數升然後以白粥補之隨服補劑調理脾胃而疾可悉愈

一驗治法昔一人患心腹大痛或止或作痛不可忍凡用去積行氣等藥百方不效但於痛極時須用拳槌之痛得少止而旋止旋作久不能愈日加困弊莫測其故忽一胡僧見之曰余能治也遂令病者先食香餌繼進一丸打下一硬嘴異重

遂愈此因重嚙腸臟所以痛 極槌之則五內震動重亦畏而
歛伏不槌則重得自由所以 復作此亦驗重奇法故凡見心
腹痛證但用揉按重捻而痛 得暫止者多有因重而然也

虵虫共五條

凡諸虫之中惟虵虫最多其逐 治之法總若前條然旋逐旋生
終非善逐也 獸杜其源必須溫 養脾胃脾胃氣強重自不生矣
故凡食 虫之後或於未逐 之先若欲調補脾腎則如歸脾
湯溫胃 五君子煎理中湯 或理陰煎之屬皆所宜也若欲
兼重而治之則惟溫臟丸為 最善凡治重之法或攻或補自
有緩急先後之宜所當詳辨 不可任意忽畧也

巢氏病源曰凡腹中痛其脉法 當沉弱今脉反洪大者是虵虫
也

醫餘曰虵虫亦九虫之數人腹 中皆有之小兒失乳而哺早感

食餅食過多胃虛而熱生虫令人腹痛惡心口吐清水腹上青筋用火煨史君子與食以葭煎湯送下甚妙然世人多於臨臥服之又無日分多不驗惟月初四五裏五更而服之至日午前虫盡下可用溫平和胃藥調理一二日凡虫在腹中月上旬頭向上中旬橫之下旬頭向下故中旬下旬用藥則不入虫口所以不驗也牛馬之生子上旬生者行在母前中旬生者並肩而行下旬生者後隨之猫之食鼠亦然天地自然之理物皆由之而莫知之

傷寒門有吐蛭蛭厥證治○嘔吐門有吐蛭治法并吐蛭治按○腫脹門有孫一奎蛭虫按俱當參閱

外臺用苦棟湯治蛭虫

寸白虫 共三條

此虫長寸許色白其狀如蛆母子相生有箇箇相接

不斷者故能長至一二丈○治寸白虫無如樗子煎其效如

神

本事方云用良方錫灰蕪荑板柳者極佳五更服則虫盡下以

此為末用石榴根煎汁送下三錢或丸服亦可

庚志云趙子山字景高寓居邵武軍天王寺苦寸白虫為患醫

者咸云是疾當止酒然以素所耽嗜欲罷不能一夕醉於外

舍至夜半口乾舌燥倉卒無湯飲適見廊廡下有甕水月色

下照瑩然可掬即酌而飲之甚甘如飴連飲數酌乃就寢迨

曉虫出盈席覺心腹頓寬宿疾遂愈一家皆驚異驗其所飲

蓋寺僕日織草履浸紅藤根水也

小兒疳虫名曰疳積

小兒疳積亦由飲食過傷致成疳積身熱腹大面黃四肢無力

昏睡鼻爛口臭齒齲生瘡或下利黑血皆腹中有虫故也宜

丸味蘆薈丸追虫丸四味肥兒丸七味肥兒丸蟾蜍丸之類
主之虫去之後仍當調補氣血

應聲虫共二條

泊宅編云水州通判聽軍員毛景得奇疾每語喉中必有物作
聲相應有道人教令誦本草藥名至藍而默然遂取藍搗汁
飲之少頃吐出肉塊長一寸餘人形悉具自後無聲

陳正敏遜齋閑覽載楊劬中年得異疾每發言應答腹中有小
聲效之數年間其聲漸大有道人見而驚曰此應聲虫也久
不治延及妻子宜讀本草遇虫不應者當取服之劬如言讀
至雷丸虫無聲乃頓服之遂愈後正敏至長沙遇一丐者亦
有是疾環而觀之者甚衆因教服雷丸丐者亦愈

九虫

千金要方云人腹中生虫大率有九皆能食人臟腑○一曰伏

虫長四分群虫之主也○二曰虬虫長一尺生發多則貫心而殺人○三曰白虫長一寸子孫相生其母轉大長至四五丈亦能殺人○四曰內虫狀如爛杏令人煩滿○五曰肺虫狀如蠶令人欬嗽○六曰胃虫狀如蝦蟇令人嘔吐胃逆喜噦○七曰弱虫又名膈虫狀如瓜瓣令人多唾○八曰赤虫狀如生肉令人腸鳴○九曰蟻虫至細微形如菜虫居廣腸之間多則爲痔劇則爲癩因人瘡疥卽生諸癰疽癩癧癩疥齧口無所不爲其害匪細○凡此諸虫大則依附臟腑之間小則侵蝕肌膚之內若元氣尚實未爲大害稍有虛損遂肆其毒甚至如勞瘵殺人及傳屍症怪或應聲鼯鼠之類而非理之可測者多矣業醫者不可不究其所致之本及治之之法也

仲景曰狐惑之爲病狀如傷寒默默欲眠目不得閉起臥不安
蝕於喉爲惑蝕於陰爲狐不欲飲食惡聞食臭其面目乍赤
乍白乍黑蝕於上部則聲啞甘草瀉心湯主之○蝕於下部
則咽乾苦參湯洗之○蝕於肛者雄黃薰之○愚按此仲景
云狐惑之爲病狀如傷寒則可見本非傷寒也而後世卽以
狐惑爲傷寒者豈非誤乎

千金要方曰凡得傷寒及天行熱病腹中有熱又食少腸胃空
虛三虫行作求食蝕人五臟及下部若齒斷無色舌上盡白
甚者唇裏有瘡四肢沉重忽忽喜眠當數看其上唇內有瘡
唾血唇內如粟瘡者心內懊懣痛悶此虫在上蝕其五臟下
唇內生瘡者其人喜眠此虫在下蝕其下部人不能知可服
此蝕虫藥不爾蠶虫殺人○又曰凡患濕蠶者多是熱病後
或久瀉不止或有客熱結在腹中或易水土溫涼氣著多生

此病亦有乾蠶不甚瀉痢而下部瘡癢不問乾濕久則殺人
凡濕得冷則若痢單煮糞連及艾葉苦參之屬皆可用之若
病人齒斷無色舌上白者或喜眠煩憤不知痛癢處或下痢
急治下部不曉此者但攻其上不以下部為意下部生虫
蝕其肛肛爛見五臟便死燒艾於竹筒薰之

諸虫方

一傳屍勞瘵未甚者宜早用神授散因二五五

一蠶虫肉蝕下部生瘡宜雄黃兒散主之因二五七

一大孔虫癢方因二五八

一銀硃烟用治膚腠諸虫無不神妙新因五三

諸蟲論列方

掃虫煎新和十四

獵虫丸新改五

蕪萸散和三一
九

追虫丸改九七

化毒散 攻九八

百順丸 新攻六

樞子煎 和三二

溫臍丸 新熱二

四味肥兒丸 小百十一

理陰煎 新熱三

溫胃飲 新熱五

九味蘆薈丸 小百十五

遇仙丹 攻五一

論外備用方

聖效方 和三二二

直指蕪荑散 和三百二十

五君子煎 新熱六

苦棟湯 攻四七

甘草瀉心湯 寒二

蟾蜍丸 小一二

理中湯 熱一

七味肥兒丸 小百十三

歸脾湯 補三三

萬應丸 攻九九

木香枳榔丸 攻四九

妙應丸 攻百 殺虫

仲景烏梅丸 和二三二 胃寒吐酸

諸毒

附蠱毒

論飲食諸毒

風俗通曰禽獸自死者俱有毒不可食○魚無腮者有毒腮大者亦有毒○蟹肚下有紅藻紋者有毒○蟹腹下有毛者有毒○煮酒初出火者有毒江南謂之火頭酒飲之則生痔溢血○夏月飲食但過宿者卽有毒○夏月酒在銅錫器中過夜卽有毒○銅器蓋熱食氣上蒸成汗滴下食中卽有毒○炊湯過宿飲之有毒盥洗則生疥○桃杏仁雙仁者毒能殺人○果未成核者俱有毒令人發瘡癩○夏秋果熟落地蟲緣者有毒人食之作漏○屋漏水有毒人食之有脹而死者用之沫手則生浸淫之疥屢驗○澤中死水有毒飲之令人

生瘕○湯池中溫泉水不可飲令人張悶惟澡浴可以疎風
愈疥癩蓋其泉自硫黃中出故溫也患疥者宜飽食入浴之
連日數次汗透而愈體虛者不可輕浴

解一切飲食諸毒

芝麻油總能解一切飲食諸毒不可不知凡造餠饌必先用真
麻油於淨鍋熬熟却下肉炒過然後入清水煮之則金不犯
毒今徽州池州地方食牛肉不論春夏無日不食惟製之有
方所以鮮有中毒但犯一切飲食毒者即用麻油一二杯飲
之得吐卽毒釋而無不愈者

解飲食中毒共十五方俱載古方因陣中自二百七起至二
二一止

善解毒者無如火蓋火能革物之性

解一切藥毒

凡解諸藥毒者宜以薺菜汁白扁豆汁綠豆汁甘草汁飴糖汁
米糖汁蠶退紙燒灰隨使用之俱可解

凡解毒藥湯劑不可熱服宜涼飲之蓋毒得熱而勢愈盛也雖
然此特以熱毒為言耳若解木鱉菌蕈黃連石膏之類以中
陰毒者豈仍避熱而猶堪以寒飲乎此有醫按在嘔吐門當
兼察之

一解毒藥共十四方俱載古方因陣中自一二起至二三五
止

解諸毒通用簡易方

一方 雄黃青黛等分為末新汲水調服

一方 揀淨土地掘窟用井水傾入攪澄清多飲則愈

一方 晉礬建茶等分為末新汲水調服三錢吐即效不吐再

服

一方 黃連甘草節 二味水煎涼服不拘多少

一方 薺苳黑豆茸 草咬咀每用一兩水二盞煎一盞溫服未

效再服

一方 白扁豆生為末水調服二三錢

一方 伏龍肝為細末涼水調三四錢攪動服之吐者再一服

即竈心土

解一切重獸毒

凡虎傷犬傷蛇蝎蜈蚣水蛭之類皆是也共二十三方俱載古

方因陣甲自二三六起至二五八止

蠱毒

蠱之為毒中土少見之世傳廣粵深山之人於端午日以毒蛇

蜈蚣蝦蟆三物同器盛之任其互相吞食俟一物服存者則

以為蠱又謂之挑生凡欲害人密置其蠱於飲食中人中其

毒必心腹疔痛如有蠱嚙吐下皆如爛絮若不卽治食入五臟而死亦有十餘日而死者更有緩者待以歲月氣血羸憊食盡五臟而後死

一說兩廣山谷間有草曰胡蔓草又名斷腸草若人以急水吞之則急死以緩水吞之則緩死今見荆楚之地有曰鼠莽草者人食之則毒死意卽胡蔓草也

說嶺南人取毒蛇殺之以草覆之以水酒之數日菌生取菌爲末酒調以毒人始亦無患再後飲酒則毒作而死其俗淫婦多自合此人日久情好又不肯逐人歸乃陰以毒投飲食中此人歸則戒之曰子去幾時還若從其言則復以藥解之若過期不往則死矣名曰定年蠱此人至彼宜預防之須備解毒丹之類隨身勿忘凡稍覺飲食之後四大不調宜卽服解藥若不預識其機備有藥餌恐一時倉卒不救所謂有備

無患重生者不可忽也

驗蠱毒法

遊齋閑覽云海南魚有石首蓋魚枕也取其石爲器可盛飲食如遇蠱毒器必爆裂其效甚著聞人製作最精人但玩其色而鮮有識其用者

一驗蠱之法唾津在淨水中沉則是浮則非

又法口含大豆中蠱者豆卽脹而皮脫無蠱者豆不脹脫

又法煮雞蛋一枚去殼以銀簪一隻插入其中併含入口內

飲之頃取視簪卵俱黑卽爲中蠱

孫真人曰凡中蠱者嚼生黑豆不腥噉白礬而味反甘者皆中

蠱也

蠱證

直指云中蠱之候面目青黃力乏身痛唇口焦乾眉鬚脫落煩

躁悶脅胸腹痞滿 肚脹皮堅腹中切痛如虫嚙又如虫行唾
吐鮮血小便淋瀝 大便膿血病人所食之物皆變而為虫侵
蝕臟腑傷甚則死 死則毒氣流注復染他人所謂蠱疰

蠱脉

脉緊數如釵股弦直 而吐甚者此中蠱毒也急治之○中蠱脉
洪大者生微細者死

防蠱

凡入有蠱之鄉所用 飲食但以犀角攪試有毒則白沫竦起無
沫卽無毒也若自 幼時食猪肉者則毒不能爲害

知禁忌

凡中蠱者但能記何 物之中中毒須終身再不食此物犯之則
毒作若用藥而愈 自後飲食永不可喫冷喫冷則蠱毒復生
竟不能救

反蠱及主法

衛生云凡入蠱鄉見人家門限屋梁絕無灰塵潔淨者其家必蓄蠱當用心防之如不得已喫其飲食卽潛於初下筋時收藏一片在手儘喫不妨少以却將手藏之物潛埋於人行十字路下則蠱神反於本家作鬧蠱主必反來懇求或食時讓主先動筋或明問主人云莫有蠱麼以筋築卓而後食如是則蠱皆不能爲害此皆驗於蠱鄉云

治蠱大法有二

胸膈痛脹則毒在上焦宜吐之○法以熱水半盞投入膽礬末五分通口服少煩以鷺翎探吐毒物出盡自愈或服升麻湯探而吐之亦妙

腹痛脹爲毒在下焦宜瀉之○法以鬱金末二錢米湯調下空腹取瀉惡毒盡爲妙瀉後以四君子湯服二三劑調理慎忌

口

咒語破蠱法

大藏經云治蠱毒挑生毒有咒法凡人在外飲食先默誦咒七遍其毒自不為害○咒曰姑蘇琢磨耶吾知蠱毒生四角兮是穹窿穹母是舍耶女眷屬百千萬吾今悉知汝摩訶薩摩訶薩○凡見飲食上有蛛絲便莫喫○又法每遇所到處念藥王萬福七遍亦可避

灸蠱毒法

凡灸一切蠱毒於兩足小指盡處各灸三壯即有物出酒中者隨酒出飲食中者隨飲食出屢驗

解一切中惡邪祟鬼毒

凡卒時中惡垂死者宜硃砂丸急服之方在攻陣百三
 凡遭一切鬼祟鬼疰等毒者急與八毒赤丸攻之方在攻陣百